



UNIVERSITÄTS-  
BIBLIOTHEK  
PADERBORN

## **Die Legenden**


**Konrad <von Würzburg>**

**Halle/Saale, 1927**

---

[urn:nbn:de:hbz:466:1-71953](https://nbn-resolving.org/urn:nbn:de:hbz:466:1-71953)





4  
3






Ludwig Wolff











NR. 21

ALTDEUTSCHE TEXTBIBLIOTHEK

BEGRÜNDET VON H. PAUL †  
HERAUSGEGEBEN VON G. BAESECKE

---

KONRAD VON WÜRZBURG  
DIE LEGENDEN

III.

HERAUSGEGEBEN

VON

PAUL GEBEKE



---

MAX NIEMEYER VERLAG

HALLE/SAALE

1927



12/17  
1.80



KONRAD VON WÜRZBURG

DIE LEGENDEN

III.

HERAUSGEGEBEN

**KONRAD VON WÜRZBURG**

**LEGENDEN**

**III.**



MAX NIMMEYER VERLAG

HILDESBRAND

1897



UNIVERSITÄT  
PADERBORN  
BIBLIOTHEK



# KONRAD VON WÜRZBURG

DIE LEGENDEN

III.

HERAUSGEGEBEN

VON

PAUL GEREKE



---

MAX NIEMEYER VERLAG  
HALLE/SAALE

1927



KONRAD VON WÜRZBURG

DIE LEGENDEN

III.

HERAUSGEGEBEN

VON

PAUL GERBER



MAX NIEBERGER VERLAG  
HAMBURG



Druck von C. Schulze & Co., G. m. b. H., Gräfenhainichen.



## Einleitung

Pantaleon, im mittelalter patron der ärzte und einer der vierzehn nothelfer, war leibarzt des kaisers Galerius Maximianus, der, ursprünglich von seinem schwiegervater Diocletian mit der verwaltung von Illyricum, Macedonien und Griechenland beauftragt, 305 zum Augustus erhoben wurde und 311 an einer krankheit starb; unter ihm soll er um 305 als märtyrer enthauptet sein. Galerius erließ seit 303 in Nicomedia in Bithynien mehrere edikte zur christenverfolgung, der u. a. auch Anthimus, bischof von Nicomedia, zum opfer fiel. Nicomedia ist der schauplatz der handlung in den lateinischen berichten der legende, deren existenz im orient schon im 4. jahrhundert bezeugt ist; im abendland wird sie zuerst im martyrologium des Hieronymus erwähnt<sup>1)</sup>.

Die Pantaleonlegende liegt vor in einer Bollandistenvita<sup>2)</sup> und bei Mombritius<sup>3)</sup>. Im ganzen stimmen beide zu Konrads darstellung. In jener fehlen jedoch die einleitung über Maximians verfolgungen (Konrad v. 66—99) und eine reihe anderer bei Konrad vorhandener einzelheiten, auch enthält sie viel weniger dialoge; dieser bietet das fehlende, hat aber daneben andere lücken und abweichungen.

<sup>1)</sup> Acta sanct. Nov. II 197.

<sup>2)</sup> Acta sanctorum Jul. VI p. 412—490, übereinstimmend mit der vita des L. Surius.

<sup>3)</sup> Tom. II fol. 191—194.



Janson<sup>1)</sup> glaubt nun in zwei Münchener handschriften des 11. jahrhunderts (nr. 9516 aus Ober Altaich und nr. 18546 aus Tegernsee) eine Konrad näher stehende fassung der legende gefunden zu haben. Konrads vorlage war eine gute abschrift eines archetypus dieser beiden handschriften, die ihm vielleicht sein Baseler gönner verschaffte, während die hh. selbst auf eine lückenhafte abschrift der urhandschrift zurückgehen, in der dann noch ein korrektor an der v. 1754 in Konrads gedicht entsprechenden stelle das ursprüngliche *vos estis in tu es* änderte<sup>2)</sup>.

Gegenüber dieser seiner quelle zeigt der dichter größere selbständigkeit als in der behandlung der Silvester- und Alexiuslegende. So verlegt er bewusst den schauplatz der handlung von Nicomedia nach Rom (Haupt nahm fälschlich einen irrtum der vorlage an), stempelt den kaiser zum bösen tyrannen der märtyrerlegenden und fügt als eigenen schluß die taufe der henkersknechte an. Auch sonst läßt seine darstellungsweise wesentliche fortschritte erkennen: er überschaut den stoff, benutzt von den zahlreichen episoden und gesprächen der quelle nur die die handlung fördernden und meidet anstößige übertreibungen. Da auch Laudans untersuchungen über die chronologie der werke Konrads<sup>3)</sup> und besonders seine arbeit *Der auftakt bei Konrad von W.*<sup>4)</sup>, die an den Pantaleon anknüpft, die weit größere sorgfalt und systematische behandlung von metrischen dingen nachgewiesen haben, ist es sicher,

<sup>1)</sup> G. O. Janson, *Studien über die legendendichtungen Konrads v. W.* Marburger dissertation 1902. S. 43—59.

<sup>2)</sup> Eine lateinische metrische bearbeitung der legende von Johannes Geometra ist unvollständig gedruckt bei Migne CVI 889—912, vollständig in der Cracauer dissertation von Sternbach (1892).

<sup>3)</sup> Diss. Göttingen 1906.

<sup>4)</sup> Zjda. 48, 553ff.



daß der *Pantaleon* die jüngste der legendendichtungen *Konrads* ist<sup>1)</sup>.

Eine recht gute überlieferung bietet die einzige Wiener pergamenthandschrift des 14. Jahrhunderts nr. 2884, auf grund deren Haupt in seiner zeitschrift 6 s. 193—253 das gedicht herausgegeben hat. E. Schröder lieferte an demselben orte (48, 548) beiträge zur textkritik, Laudan verglich die handschrift noch einmal und gab seine resultate im gleichen bande s. 553ff.; ich selbst habe PBB 37, 433—437 und 525—529 nachträge geliefert.

Lachmann<sup>2)</sup> schlug vor, das gedicht mit v. 2153 der *diz werc gevrumet hât* zu schließen und folgen zu lassen etwa der *ist geheizen Kuonrât*; Pfeiffer<sup>3)</sup> hielt auch den schluß für unecht, vermutete auf v. 2153 ebenfalls den reim *Kuonrât*, erklärte aber Lachmanns vorschlag für falsch. Dagegen wandte sich schon Bartsch<sup>4)</sup>, der die behauptung der unechtheit der schlußverse durch nichts begründet fand.

Gedichtet hat *Konrad* sein werk nach v. 2140 ff. auf anregung des Johann von Arguel in Basel, der *Winharten* tochter kint, d. h. des kindes einer tochter aus dem geschlechte der *Winharten*. Er war eine bekannte Baseler persönlichkeit, „entstammte einem ritterlichen geschlechte des Juras, von dem ein zweig in Basel eingewandert war“<sup>5)</sup>. Er wird von 1277—1311 oft in den urkunden als zeuge, schiedsrichter oder in eigenen angelegenheiten

<sup>1)</sup> Zu demselben ergebnis bezüglich der zeitfolge der legenden kommt auch R. Ritter, *Die metrische brechung in den werken Konrads von Würzburg und seiner nachfolger*. Diss. Erlangen 1918.

<sup>2)</sup> Zfda. 6, 580.

<sup>3)</sup> Germ. 12, 26.

<sup>4)</sup> *Einleitung zum Partonopier* s. XI.

<sup>5)</sup> Nach E. Schröder, *Studien zu Konrad von Würzburg* IV. V. Aus den nachrichten von der K. gesellschaft der wissenschaften zu Göttingen 1917. S. 102—104.



genannt, war 1297 mitglied des rates, „ein mann von großem vermögen und leidenschaftlicher energie“, „führer der demokratie und der heftigste gegner des gleich temperamentvollen ritters, schultheißen und bürgermeisters Peter Schaler“, der Konrad zur dichtung des Partonopier veranlaßte. Die familie Winhart ist ebenfalls im Baseler urkundenbuch nachgewiesen, so 1276 ein bürger Johannes Winhart. Die art, wie Konrad den Johann von Arguel im Pantaleon einführt, läßt darauf schließen, daß er damals noch ein junger mann war, als welcher er 1277 in den urkunden erscheint. Ungefähr um diese zeit mag also die dichtung entstanden sein.

Unser text stimmt überall da mit Haupts ausgabe (H) überein, wo abweichung nicht besonders angemerkt ist. Schröders und Laudans vorschläge zur textgestaltung sind in den anmerkungen durch Sch und L gekennzeichnet.



# PANTALEON

1. In der ersten Nacht verstand  
und war so stille und geruhet  
das man der lichte tranket  
die sich in der nacht nicht betaget  
2. der ewigenen wunden lobet  
behallt so reine fangen gottes  
Kon in reuelichen die  
weil man in der nacht nicht ist  
des lichte fange tranket  
13. In der ersten Nacht verstand  
das man der lichte tranket  
die sich in der nacht nicht betaget  
14. In der ersten Nacht verstand  
das man der lichte tranket  
die sich in der nacht nicht betaget  
15. In der ersten Nacht verstand  
das man der lichte tranket  
die sich in der nacht nicht betaget  
16. In der ersten Nacht verstand  
das man der lichte tranket  
die sich in der nacht nicht betaget  
17. In der ersten Nacht verstand  
das man der lichte tranket  
die sich in der nacht nicht betaget  
18. In der ersten Nacht verstand  
das man der lichte tranket  
die sich in der nacht nicht betaget  
19. In der ersten Nacht verstand  
das man der lichte tranket  
die sich in der nacht nicht betaget  
20. In der ersten Nacht verstand  
das man der lichte tranket  
die sich in der nacht nicht betaget



Faint, illegible text, possibly bleed-through from the reverse side of the page.

PANTALFON



- E**z ist ein nütze dinc vernomen  
 und mac ze sælden wol gevromen  
 daz man der liute kumber saget  
 die mit ir marter hânt bejaget  
 5 der êweclichen wunne leben.  
 bischaft ze reinen tugenden geben  
 kan ir reineclicher tât.  
 swâ man ir angest unde ir nôd  
 des libes ôren kûndet,  
 10 dâ wirt vil schiere enzündet  
 des herzen sin ûf edele tât.  
 swer muot ze reinen werken hât,  
 der mac vil gerne hœren  
 wie si zen himelkœren  
 15 mit ir marter komen sint  
 und wie des reinen gotes kint  
 vergozzen hânt ir reinez bluot.  
 ez ist vûr houbetsûnde guot  
 daz man ir tugende merket.  
 20 ein herze wirt gesterket  
 an reines willen krefte  
 von guoter bîscheffe  
 und wirt im sûnde wilde.  
 von guoter liute bilde  
 25 den liuten allez guot geschiht.  
 ûf alsô rîche zuoversiht

7 reineclicher (vil r. L).  
 zer himele kœren (H).

14 zen himelkœren Sch =  
 16 reinen = reine.



wil ich ein wârez mære sagen  
 von einem herren der bejagen  
 mit sîner tugende kunde  
 30 daz im got vröude gunde  
 und êweclicher wunne dort.  
 er hât den liechten himelhort  
 mit manger nôt verschuldet  
 diu von im wart geduldet  
 35 durch sîner tugende reinekeit.  
 er vaht mit nœten unde streit  
 der heiden ungelouben an,  
 dâ mite er sêlen vil gewan  
 dem werden hôchgelopten gote,  
 40 und mac gewinnen sîme gebote  
 ze dienste noch vil mangan lîp.  
 sîn marter sol man unde wîp  
 hie scheiden von ir missetât.  
 swer sînen tôt vor ougen hât  
 45 und in ûf erden êret,  
 der wirt von im bekêret  
 unde erlöst von arbeit.  
 er ist ein lieht der kristenheit,  
 daz in des herzen sinne  
 50 den glanz der wâren minne  
 kan bieten unde reichen.  
 dâ von ich sîniu zeichen  
 und sîne marter wil enbarn.  
 daz wunder sol ze liechte varn  
 55 daz got durch sîne tugent begie.  
 mit rede wil ich entsliezen hie

---

28 herren = herzen. 30 vröude (fride *Sch*). 31 êwec-  
 licher wunne = eweclicher fröde (êweclichen fride *H*,  
 êweclicher fröude *Sch*). 33 manger = maneger (*H*);  
 und so immer. 35 sîner = sine. 39 dem = deme,  
 so immer. 41 mangan = manigen (manegen *H*), vgl. 33.  
 47 arbeit = arebeit (*H*). 49 Daz = der. 52 sîniu  
 = sine, so meist. 56 wil ich (ich wil *Sch*).



- den namen und die helfe sîn,  
 durch daz den liuten werde schîn  
 daz sîn genâde manicvalt  
 60 si mûge erlœsen mit gewalt  
 von allem ungevelle.  
 swer nu sîn leben welle  
 vernemen hie mit reiner ger,  
 der biete herze und ôren her,  
 65 sô wirt im offen diu getât  
 die got durch in begangen hât.  
 Ein keiser hiez Maximiân.  
 bi des zîten wart getân  
 der kristenheite schaden gnuoc.  
 70 swer ie geloubic herze truoc,  
 der wart durch sîn gebot erslagen:  
 er hiez in von dem lebetagen  
 erbermeelichen scheiden.  
 der übel arge heiden  
 75 was dâ ze Rôme sezhaft.  
 sîn keiserlichiu magenkraft  
 diu schein gar michel unde breit.  
 dâ von hiez er die kristenheit  
 duræhten mit gewalte.  
 80 mort unde mein er stalte  
 mit grimme an den getouften,  
 vor im sich gnuoge slouften  
 ze walde in manic tiefez hol.  
 ir eteliche jâmers vol  
 85 verborgen sâzen in den steten,  
 durch daz er si niht hieze treten  
 gewaltecliche in sînen zorn.  
 ze leide er mangem was geborn

61 allem = alleme. 65 im = ime, so immer. 66 die  
 = daz (H). 68 Bi des zîten (bi den gezîten L).  
 69 gnuoc = genuoc (H). 72 lebetagen = lebtagen.  
 73 Erbermeelichen = vn erb. 74 übel (übele H). 75 dâ  
 = fehlt (H). 82 sich gnuoge = genuog sich. 84 ete-  
 liche = etlicher. 87 Gewaltecliche in = gewaltec-  
 lichen (H). 88 mangem = manigen (manegen H).



- den er des lîbes roubte:  
 90 wan swer an Krist geloubte,  
 der leit von im die marter.  
 dar umbe in desten harter  
 entsâzen alle kristen  
 und wolten gerne vristen  
 95 vor im ir leben unde ir lide.  
 si burgen sich durch guoten vride  
 in welden unde in wüesten,  
 durch daz si drinne müesten  
 vil strenger nôete sich entsagen.  
 100 nu was ze Rôme bî den tagen  
 ein herre Eustôrius genant,  
 des herze man gereinet vant  
 von schamelîcher missetât.  
 er was ein rîcher sênât,  
 105 der zûhte und êren sich versan.  
 der selbe tugentrîche man  
 het einen schœnen sun erzogen,  
 des muot geneiget und gebogen  
 wart ze kristenlîcher tugent.  
 110 geblîemet stuont sîn reiniu jugent  
 mit durlihtiger werdekeit.  
 diu sælde was ûf in geleit  
 daz er sich meines muoste schamen.  
 Pantaleôn hiez er ze namen  
 115 und hete sîn gemüete  
 gezieret wol mit güete  
 und mit rîlicher milte.  
 sîn herze in êren spilte  
 alsam ein rôse in touwe.  
 120 Mâz, aller tugende vrouwe,

90 swer = wer. 94 wolten = wolte. 95 Vor  
 = von. 96 guoten = goten. 100 ze = fehlt. 104 sênât  
 = sanât. 105 zûhte = schuhte. 106 tugent-  
 rîche = tugende rîche (H), ebenso 724. 107 Het =  
 hette. 111 durlihtiger = durlihter. 113 meines  
 = niemes. 120 Mâz = Maze; die hs. bietet im auftakt  
 vor vokalen auch sonst zweisilbige formen.



- lêrt in bescheidenlichiu dinc.  
 er was ein glanzer jungelinc  
 und ein sô gar liutsælic knabe  
 daz ich von im gelesen habe  
 125 er trüege lûterbæren schîn.  
 Eustôrius der vater sîn  
 hielt in mit grôzen êren.  
 er wolte in heizen lêren  
 diu buoch von arzenie.  
 130 dâ von der wandels vrie  
 kôs einen meister in der stat.  
 den hiez der edel unde bat  
 daz kint dô lêren disen list.  
 der selbe meister alle vrist  
 135 wont ûf des keisers palas,  
 wan er sîn hofgesinde was  
 und in het in der huote sîn.  
 er was geheizen Eufrosîn,  
 und lac an im witz und vernunst.  
 140 von arzenie erwelte kunst  
 sîn herze vinden kunde.  
 den jungelinc begunde  
 der meister wisen dâ zehant.  
 des knaben er sich underwant  
 145 und lêrte in sîner buoche schrift.  
 nu was ein priester in der stift  
 gesezzen bi der jâre tagen,  
 des lip gereinet und getwagen  
 mit dem vil hêren toufe was.  
 150 von Kriste sang er undé las  
 daz beste daz er wolte.  
 swaz gote zêren solte,

132 edel = (edele *H*). 133 dô = da, *wie oft*. 139 und  
 (unde *H*). 141 vinden = binden. 145 sîner = sine.  
 147 der jâre = den iaren. 152 gote zêren = ze gottes  
 eren.



- daz tet er willeclîche alsus.  
 man seit daz Ermolâus  
 155 genant der priester wære,  
 doch niht was offenbære  
 den Rœmern allen worden  
 sîn kristenlicher orden.  
 Er hal sîn leben und sîn ê,  
 160 wan er entsaz den keiser mê  
 dann in der werlte keinen man.  
 sîn herze in gotes minne bran  
 und was an Krist geloubhaft.  
 diz barc er vor der heidenschaft  
 165 durch angestlicher vorhte grûs.  
 Pantaleôn gienc durch sîn hûs  
 swenn er ze schuole solte gân.  
 dâ von der reine kapellân  
 den knaben dicke und ofte sach.  
 170 zeimâl gruozt er in unde sprach:  
 'kint liebez, vrôuwe dich in gotel'  
 Pantaleôn, der sælden bote,  
 gap im der rede antwûrte dô.  
 'nu sint ouch ir in gote vrô,  
 175 vil sælic herre mîn', sprach er.  
 'sîn gnâde vrôuden iuch gewer  
 mit liebe sunder ende!  
 sus bôt im sîne hende  
 der priester dô mit witzen.  
 180 er hiez in nider sitzen  
 vil nâhe sîner sîten.  
 si wurden bî den zîten

---

153 willeclîche alsus *L* = willeclîchen sus (*H*). 157 Den  
 Rœmern = den romeren (Rômæren *L*). 161 keinen  
 = deheinen (*H*). 163 geloubhaft *L* (geloubehaft *H*),  
 ebenso 217, 845. 165 angestlicher vorhte grûs = angest-  
 liche vorhte grôz. 167 swenn = wenne. 170 ze-  
 mâl = ze einem mal. 173 antwûrte = antwort. 177f.  
 ende: hende = hende: ende.



- mit einander redehaft.  
 sich huop ein trûtgeselleschaft  
 185 unde ein kôsen under in.  
 des wart ir heil und ir gewin  
 von gote sît gemêret.  
 der priester wol gelêret,  
 geheizen Ermolâus,  
 190 sprach ze deme kinde alsus:  
 'sage mir, trûtgeselle, nu,  
 von welher künste lernest du?  
 waz ist dîn leben und dîn ê?  
 wie dines glouben orden stê,  
 195 daz tuo mir hie mit rede schîn!  
 den namen und daz künne dîn,  
 gar willeclîche ich daz vernime.'  
 'trûtherre', sprach der knabe zime,  
 'Pantaleôn bin ich genant,  
 200 und ist daz herze mîn gewant  
 ûf hôher arzenie list.  
 mîn vater noch ein heiden ist  
 und was getouft diu muoter mîn.  
 diu muoz erstorben leider sîn  
 205 und ist nu lange tôt gelegen.  
 ich sol der hôhen künste pflegen  
 diu siechen heilet unde nert.  
 ob mir diu sælde wirt beschert  
 daz ich si wol gelerne,  
 210 sô tribe ich si vil gerne.'  
 Des antwurt im der priester wis.  
 'kint', sprach er, 'daz du sælic sîs!  
 wiltu der arzenie gern  
 diu sieche liute kan erwern  
 215 gesuntheit und geniste,  
 sô kêre dich ze Kriste

186 wart = war.      193 ist = fehlt.      204 Diu =  
 die, so öfter.      206 sol = fehlt (ger H).      209 si =  
 sie, so immer.



- und wirt an in geloubhaft!  
 er lêret dich die meisterschaft  
 diu mangem hilfet vür den tôt  
 220 der in vil herzeclicher nôt  
 gedorret und geswarzet.  
 er ist der oberst arzet,  
 der eines blinden ougen  
 erliuchten kunde tougen  
 225 und die tôten hiez erstân.  
 er lie den betterisen gân  
 mit siner helfe ræten.  
 dar zuo kund er verstræten  
 daz bluot dem armen wibe  
 230 und half ir siechem lîbe  
 daz er von siner suht genas.  
 Asclêpius und Ypocras,  
 die der keiser ruofet an,  
 die sint ein wiht, wan dir enkan  
 235 ir trôst gehelfen noch gevromen.  
 du solt ûz ir gebote komen  
 und êre Krist, der megde kint,  
 swaz abgote ûf erden sint,  
 die lânt sich alle vinden toup.  
 240 ir helfe swinet als ein stoup  
 den starke winde rüerent  
 und in mit sturme vüerent  
 über tal und über berc.  
 geloube an keines menschen werc  
 245 und lâ dich gerne toufen!  
 sô mahtu sælde koufen  
 und êweclicher wunne lôn.  
 die lêre enpfie Pantaleôn

---

219 mangem = manigen (manegem H).      225 hiez  
 Joseph z. *Engelh.* 66 = fehlt (tete H).      230 ir = irm.  
 232 Asclêpius = ascalapines.      233 ruofet an = ruofte  
 an sich.      237 megde = megede (H).      238 abgote  
 (abegote L).



- in sîn gemüete dô mit kraft,  
 250 alsam ein erde wuocherhaft  
 enpfâhet guoten sâmen,  
 swenn ir beginnet râmen  
 mit sîner sæte ein ackerman.  
 sîn edel herze daz enbran  
 255 und wart von gotes geiste  
 reht als ein furcs gneiste  
 entvlammet unde schône enzunt.  
 ûf tet er sînen kiuschen munt  
 gezogenlichen unde sprach:  
 260 'des selben dinges mir verjach  
 mîn muoter daz ir hânt gesaget,  
 dâ von mir deste baz behaget  
 iuwer lêre und iuwer bete.  
 si dunket mich suez als ein mete,  
 265 wan ich si gerne ervüllen wil  
 mit werken iemer âne zil.'  
 Hie mite was diu rede hin  
 die si dô triben under in  
 .....  
 270 Pantaleôn der kêrte sich  
 ze schuole sam er tet dâ vor.  
 im was durch sîner ôren tor  
 geslichen ûf des herzen grunt  
 der rât den im der priester kunt  
 275 gemachet hete bî der vrist.  
 versigelt wart der suez Krist  
 mit kunst in sîn gemüete dô.  
 nu kam ez zeiner zît alsô  
 daz der junkherre wol getân  
 280 ze sîme meister solte gân.  
 dô sach er an der strâze ligen  
 ein kint, daz nider was gesigen

252 Swenn = swer.      260 mir = mich.      261 ir  
 = ir mir.      262 deste = daz.      264 dunket (dünket *H*  
*immer*).      269f. *lauten in hs.* Phantaleon kerte sich  
 Alsamich sage vñ och sprich.      282 kint = *fehlt.*



- von herzelicher swære.  
 sîn nôt schein angestbære,  
 285 wan ez was umbevungen  
 mit eime grôzen slangen,  
 der hete umb ez geslozzen sich.  
 dâ von sîn marter grimmelich  
 erschein und al sîn ungemach.  
 290 nu daz Pantaleôn gesach  
 daz kint alsus beswæret,  
 dô wart an im bewæret  
 milte und erbarmkeit.  
 295 wan er begunde tougen jehen:  
 'noch hiute sol mîn ouge sehen  
 ob Ermolâus hât geseit  
 von Kriste mir die wârheit:  
 ich wil versuochen sîne kraft.'  
 300 sus gie der knappe tugentbaft  
 dar nâher zuo dem kinde.  
 die blanken hende lînde  
 zeinander leite er unde vielt,  
 sîn ougen er ze gote ûf hielt  
 305 mit innecllichem muote.  
 'Krist herre,' sprach der guote,  
 'lâ dîne gnâde werden schîn.  
 sit daz du mit der gnâde dîn  
 maht heilen blinden unde lamen  
 310 und der tôte in dîme namen  
 vil schiere wirt erquicket,  
 sô werde ouch hiute entstricket  
 diz kint von sîme twange,  
 sô daz der veige slange  
 315 zerbreche und ouch zerspringe  
 und ez niht langer twinge

287 *in hs. nach 288.*      292 bewæret = geweret.  
 293 milte und erbarmherzekeit *Sch* = milt unde erbarme-  
 herzekeit (*H*).      296 sehen = gesehen (*H*).      310 dîme  
 = dînem.



- mit siner grimmen krefte.  
 entlöse im und enthefte  
 den lip von dirre marter,  
 320 durch daz ich deste harter  
 geloube an dine gotheit.  
 bewære ob mir sî wâr geseit  
 unde erzeige dine kraft,  
 dar umbe daz ich diensthaft  
 325 dir welle sîn ûf erden  
 und ich dir müeze werden  
 vil undertænic miniu jâr.  
 und wirt daz offenliche wâr  
 daz Ermolâus seite mir,  
 330 sô diene ich êweclichen dir  
 durch dîner hôhen tugende reht.  
 vernim mich armen, dinen kneht,  
 unde erhœere mich zehant,  
 alsô daz dirre serpant  
 335 diz kint niht langer drücke.  
 zerspringet er in stücke,  
 sô weiz ich wol daz din gewalt  
 ist vorhtsam unde manievalt.  
 Nu der vil reine guote  
 340 mit durnehtigem muote  
 die rede und disiu wort getete,  
 dô wart erhœeret an der stete  
 sîn vlêhelîchiu stimme.  
 der slange unmâzen grimme  
 345 begunde sich entheften  
 und wart von gotes kreften  
 zerteilet und zerschrenzet  
 und alsô vaste entgenzet

317 grimmen = grime.      318 Entlöse = entlösen.  
 321 gotheit = goteheit (*H*), ebenso 633.      324 diensthaft  
 (diensthaft *H*) ; vgl. 1763.      338 vorhtsam (= vorhsam)  
 unde (vorhtesam und *H*).      340 durnehtigem = durch-  
 suchtlichen.      341f. getete: stete = getet: stet, so immer.



- daz er in kleiniu stücke spranc  
 350 und er daz kint niht mêre twanc,  
 daz dô vil schône wart gesunt  
 und dannen kêrte bî der stunt  
 als im nie leit erswære.  
 diz zeichen offenbære  
 355 daz wolte got erscheinen  
 durch sînen kneht den reinen,  
 der ungetoufet dannoch was.  
 und dô daz arme kint genas  
 durch Pantaleônes bete  
 360 und er an im erkennet hete  
 diz zeichen und diz wunder,  
 dô seite er dô besunder  
 lop unde prîs dem werden gote.  
 er dankte sêre sîme gebote  
 365 und ilte z Ermolâô.  
 was im geschehen wære dô,  
 daz tete er im mit rede erkant  
 und hiez sich toufen alzehant.  
 Diz wart getân vil schiere dô.  
 370 der priester wart der sælden vrô  
 daz got durch in besunder  
 diu zeichenlîchen wunder  
 dem kinde erôuget hæte.  
 Pantaleôn der stæte  
 375 mit gotes geiste ervüllet wart.  
 wie von der heidenischen art  
 sîn vater würde enbunden,  
 dar zuo wart bî den stunden  
 der jungeline gedankhaft.  
 380 er leite dar ûf sîne kraft  
 in herzen unde in muote  
 daz in der reine guote

350 er = *fehlt* (H). 352 dannen = dannan. 358 dô  
 = *fehlt*. 363 unde (und H). 365 z Ermolâo = zû ermolao.  
 367 rede = reden. 372 Diu zeichenlichen = die zeichenliche.  
 376 heidenischen = heidenschen. 381 herzen = herze.



- bekêren möhte bi der vrist,  
 alsô daz er den wâren Krist  
 385 in sîn gemüete næme  
 und von den goten kâme  
 der ungetouften heiden.  
 den herren wol bescheiden  
 berespen er begunde.  
 390 er sprach ûz wîsem munde:  
 'wie vüeget sich daz, vater mîn,  
 daz die vertânen gote dîn  
 sô rehte wandelbære sint?  
 si dunkent mich toup unde blint  
 395 an kreften unde an wîzen.  
 man siht ir einen sitzen,  
 swenn alle zît der ander stât,  
 und der sich dâ gesetzt hât,  
 des lîp enkan niht ûf gestân,  
 400 noch mac der stânde niht gehân  
 die maht daz er gesitzet nider:  
 in beiden sint lîp unde lider  
 kreft unde lebender tugende blôz.  
 ez ist ein missewende grôz  
 405 daz iemen an die touben  
 abgote wil gelouben,  
 den alliu stiure ist gar benomen.  
 swaz niht im selben mac gevromen,  
 wie kunde mir gehelfen daz?  
 410 man sol den goten sîn gehaz  
 die menschen lîp gewirket hât.  
 wer wolde sîner hantgetât  
 die wirde bieten alle stunt  
 daz ir sîn offer würde kunt  
 415 und er si lobte als einen got?  
 ez ist ein tîppeclicher spot

384 wâren = ware.                      386 goten = götten, so immer.  
 396 Man = wan (ebenso 920, 1490).      399 enkan = kan.  
 400 stânde = stynde.                      401 maht = machet.                      408  
 im selben = ime selber.                      412 wolde = fehlt.



- daz man ein werc sol ane beten  
 daz ab der stete niht getreten  
 mac einen vuoz noch einen schrit.  
 420 daz niht gerüeren kan diu lit  
 als dine gote, vater mîn,  
 daz mac wol ein gestüppe sîn.  
 Der herre des antwürte bôt.  
 'sun', sprach er, 'du hâst mich ze nôt  
 425 mit dirre teidinge brâht.  
 mîn herze ist niht sô wol bedâht  
 daz ich gantwürten künne dir.  
 dîn rede ist gar ze swære mir  
 und alze starc diu vrâge dîn,  
 430 wan ich an dem gelouben mîn  
 von dîner worte lère  
 beginne wanken sêre  
 und vaste zwîvelhaft bestân.  
 ein rede ist von dir hie getân  
 435 diu mînen witzen ist ze grôz.  
 mit disen worten im entslôz  
 der vater unde tet im kunt  
 daz gotes geist in hete enzunt  
 und sîn gemüete erlûhte.  
 440 den jungelinc bedûhte  
 schier an des alten bihte  
 daz er in möhte lihte  
 gewîsen von der heidenschaft.  
 sît er ein wênic zwîvelhaft  
 445 an dem gelouben sîn bestuont,  
 als alle die vil schiere tuont  
 die von ir orden wellent gân,  
 sô kunde sich des wol verstân

---

418 ab der stete niht getreten = abe der stetten niht mac  
 getreten (abe der stete n. m. g. *H*). 419 Mac = fehlt (*H*).  
 425 teidinge = redinge. 432 Beginne = beginne ich. 437  
 unde tet im = und tet ime (*H*). 438 Daz = des. in hete  
 enzunt = hette in ime. 440 jungelinc (jüngelinc *H immer*).  
 444 ein wênic = enwenig. 446 Als = also.



- Pantaleôn der wise  
 450 daz er sanft unde lise  
 bekêret würde und überredet.  
 swer zwîvel in sîn herze ledet  
 mit sinne und mit gedanken,  
 der wil ouch lîhte wanken  
 455 von sîner ordenunge.  
 daz hete wol der junge  
 Pantaleôn erkennt.  
 Eustôrius enbrennet  
 was von gotes geiste dô.  
 460 des wart in sîme herzen vrô  
 sîn lieber sun vil drâte,  
 durch daz von sîme râte  
 der herre solte werden  
 gereinet ûf der erden  
 465 von allem itewîze.  
 er warp mit hôhem vlize  
 und leite dar ûf sînen pîn  
 daz dô die valschen gote sîn  
 der vater hieze brechen.  
 470 iedoch wolt er niht sprechen,  
 wan er mit leiden mæren  
 getorste niht beswæren  
 den herren missewende bar,  
 ê daz er in bekêrte gar  
 475 ze kristenlichem orden.  
 er dâhte: 'swenne er worden  
 ist ein durnehtic kristen,  
 so enlâze ich in niht vristen  
 sîn abgote langer mê,  
 480 wan ich und er tuont in sô wê  
 daz wir si brechen beide  
 und werfen si mit leide

453 sinne = sinnen.      454 ouch = och, so immer.  
 456 Daz = der.      479 abgote = abgötten.



- vür daz hûs und ab der stete.  
 Pantaleôn die rede tete  
 485 vil tougen und vil stille.  
 ze gote stuont sîn wille,  
 wan er in sîme geiste bran.  
 nu was ein liehtelôser man  
 ze Rôme sunder lougen,  
 490 der niht an beiden ougen  
 moht einen böesen stich gesehen.  
 er hôrte sprechen unde jehen,  
 Pantaleôn der wære  
 ein arzât sô gebære  
 495 daz er mit sînen listen  
 kiünd alle siechen vristen  
 von schedelicher swære.  
 im wart geseit ze mære  
 daz er mit sîme trôste  
 500 daz arme kint erlôste  
 von dem unreinen slangen.  
 dâ von kam er gegangen  
 ze sîme hûse drâte.  
 nâch wiser liute râte  
 505 wart er vür in geleitet.  
 dâ von was im bereitet  
 helf unde trôst vil schiere.  
 Pantaleôn der ziere  
 liez im dô guoten rât geschehen.  
 510 wan dô er in begunde sehen,  
 dô sprach im der getriuwe zuo:  
 'waz wiltu, vriunt, daz ich dir tuo?'  
 Des antwurt im der blinde.  
 ze dem erwelten kinde  
 515 sprach der liehtelôse kneht:  
 'ich suoche dîner gnâde reht

491 *lautet in hs.* einen b. stick niht möhte g. 494 ge-  
 bære = gewære (H). 510 dô = *fehlt*. 513 ant-  
 wurt = antwurtet. 515 liehtelôse = lichtloser.



- und dinen helfelichen trôst,  
 sô daz ich armer werde erlôst  
 von mîner siechen blindheit  
 520 und ich von dîner tugende breit  
 mîn lieht nu müeze wider hân.  
 mit arzenie ich hân vertân  
 mîn guot und alle mîne habe.  
 mir hât vil manic arzât abe  
 525 gebrochen swaz ich hæte,  
 und hânt mich sîne ræte  
 geholfen harte kleine doch.  
 ich hete ein wênic liehtes noch:  
 daz selbe ist mir benomen gar.  
 530 ich bin des guotes worden bar  
 und der gesihte leider:  
 der tâten vrî mich beider  
 die meister mit ir lêre.  
 dâ von begane dîn êre  
 535 an mir und dîne sælekeit.  
 sît daz ein wunder s geleit  
 an dich von hôher kînste,  
 sô lâ von dîner gûnû  
 die grôzen sælde miegeschehen  
 540 daz ich den tac nu müge gesehen.  
 Pantaleôn sprach aber dô:  
 'war umbe sol ich machen vrô  
 mit mîner helfe dinen muot,  
 sît du deheiner slahte guot  
 545 ze lône maht gegeben mir?  
 waz miete enpfenge ich nu von dir,  
 und würdestu gesehende?  
 du wære mir verjehende

---

521 lieht (ougen L). nu = fehlt (H). 523 in hs.  
 nach 524. 526 hânt = hat. 540 den tac nu müge  
 = den tag müge (müge den tac H). 547 würdestu  
 gesehende = w. von mir gesehen. 548 lautet in hs. du  
 hast doch mir hie veriehen.



du habest dine habe verzert  
 550 und habest dich doch niht genert  
 mit arzetuome, als ich vernime.  
 'trûtherre', sprach der blinde zime,  
 'daz selbe kleine gûetelîn  
 daz noch in dem gewalte mîn  
 555 beliben sî, daz soltu nemen,  
 durch daz du lâzest mir gezemen  
 die helfe und dine stiure.'  
 'nein', sprach der knabe gehiure,  
 'ich enger dîns guotes niht.  
 560 swaz du gehabest in dîner pflîht,  
 daz gip enwec den armen.  
 dîn breste sol erbarmen  
 den wâren und den sîezen Krist.  
 der machet dich in kurzer vrist  
 565 gesehende sunder lougen  
 und reinet dir dîn ougen  
 von lichtelôser blintheit.  
 sîn helfe wirt an dich geleit  
 und sîn genædeclicher trôst,  
 570 sô daz du schaden wirst erlôst.'  
 Der rede wart der blinde vrô.  
 Pantaleônes vater dô  
 gedâhte wie daz möhte sîn  
 daz lûterlicher ougen schîn  
 575 der blinde enpfienge sâ zehant.  
 ze dem junkherren wîse erkant  
 der alte minneclîche sprach:  
 'wie mac des siechen ungemach  
 von dir gebüezet werden,  
 580 sît meister vil ûf erden  
 ir kunst an im versuochet hânt  
 und si doch keine helfe lânt

---

550 habest = enhast.                      557 Die helfe und = dine  
 helfe vñ (helf unde *H*).              560 gehabest *L* = habest (*H*).  
 dîner = dine.                      566 dîniu = dinu.                      580 vil = so vil.



- an sinen ougen schinen?  
 du wilt vergebene pînen  
 585 dîn herze und dînen willen,  
 sît daz du wænest stillen  
 daz leit mit dîme râte  
 daz weder vruo noch spâte  
 kein arzât mac gebûezen.  
 590 der rede von dem sîezen  
 antwürte wart gegeben dô.  
 Pantaleôn der sprach alsô:  
 'der meister der mich lêrte  
 und mîne liste mêrte,  
 595 der ist sô rîcher künste vol  
 daz ich mit sîner helfe wol  
 dem blinden sînen kumber nime.'  
 'sun', sprach der vater aber zime,  
 'waz seistu von dem meister dîn?  
 600 dem liehtelôsen mohte schîn  
 niht werden sîner helfe rât.  
 swie vaste er sich versuochet hât  
 an ime, er kunde niht genesen.  
 wiltu nu künste rîcher wesen  
 605 denn er, daz ist ein vremdez dine.'  
 'swic', sprach der edel jungelinc,  
 'und lâ belîben disiu wort.  
 du solt hie grôzer tugende hort  
 und michel êre an gote sehen.  
 610 der lât daz wunder dâ geschehen  
 daz dirre man gesihte bar  
 gewinnet ougen liehtgevar  
 und gesehende schône wirt.  
 Krist Jêsus im die helfe birt  
 615 mit hôhen kreften ûz erlesen  
 daz er vil schiere sol genesen.'

592 der sprach alsô = sprach also (*H*, sprach aber dô  
*Sch*).      599 Waz = daz.      600 mohte = möchte.  
 604 künste rîcher = kunstrichter.      606 edel = edele (*H*).



- Mit disen worten unde alsô  
 der gotes wunderære dô  
 greif an des blinden ougen.  
 620 er liez ze himel tougen  
 erhellen sîner stimme dô.  
 der jungeline Pantaleôn  
 begunde sprechen disiu wort:  
 'got herre, der ze himel dort  
 625 unde ûf erden hâst gewalt,  
 lâ dine güete manievalt  
 und dine gnâde werden schîn.  
 sit daz du mit der krefte dîn  
 die vinsternisse erliuchten maht,  
 630 sô tuo dîn wunder manger slaht  
 den liuten offenbære.  
 erzeige im und bewære  
 daz dîn almehtic gotheit  
 sich lâze kreftic unde breit  
 635 an allen steten vinden.  
 erliuchte disem blinden  
 sîn ougen ungesihtic,  
 durch daz man werde gihtic  
 dir manivalter wirde.  
 640 geruoche sîne girde  
 und mîne bete erhœren,  
 sô daz du wellest stœren  
 sîn leit daz im dâ wirret.  
 sîn licht daz im verirret  
 645 von touber missewende si,  
 daz mache im lûter unde vri  
 vor wandelbæren dingen;  
 sô mac dîn lop erklingen  
 und wirt dîn name erhœret.  
 650 lâstu sîn leit zerstœret

618 wunderære = windere.      620 himel (himele *H*),  
 ebenso 624.      624 ze = *fehlt*.      632 im = *fehlt*.  
 639 manivalter = manigvaltiger.      650 leit zerstœret =  
 licht zerstœren.



- von diner helfe werden,  
 sô priset man ûf erden,  
 got herre, dîne magenkraft,  
 diu starc ist unde sigehaft.  
 655 Mit dirre vlizeclichen bete  
 Pantaleôn ervröuwet hete  
 den liehtelôsen drâte.  
 von sîner helfe râte  
 sîn ougen wurden ûf getân.  
 660 daz lieht begunde er wider hân,  
 daz im dâ vor enzûcket was.  
 gar lûter sam ein spiegelglas  
 wart im gemachet sîn gesiht.  
 dâ von sûmt er sich langer niht,  
 665 er seite pris dem werden gote.  
 der tugende dankte er sîme gebote  
 daz im sîn ungemach verswein.  
 mit vröuden kêrte er wider hein  
 schön unde wol gesehende.  
 670 des wart man lobes jehende  
 Pantaleône bî der zît.  
 vil manger sprach enwiderstrit  
 daz er benamen wære  
 ein arzâthelfære  
 675 unde ein meister ûz erkorn.  
 sîn werder vater hōchgeborn  
 sich vröute sîner werdekeit.  
 sîn muot ganzlichen wart geleit  
 an Jêsum Krist den reinen,  
 680 wan er begunde meinen  
 sunder allen wandel in.  
 sîn sun und er die kêrten hin  
 ze priester Ermolâô.  
 dem seiten si ze mære dô

661 enzûcket *Sch* = gezûcket (*H*).      664 sûmt er  
 sich = sumet sich.      672 enwiderstrit = im widerstrit.  
 677 vröute = fröwete.      682 die kêrten = kerte.



- 685 daz wunder daz dô was geschehen.  
 wie got den blinden lie gesehen,  
 daz wart im dô gekündet.  
 des wart sîn muot durchgründet  
 vil gar mit vröuderîcher art.
- 690 Pantaleônes vater wart  
 von im getoufet bî der zît.  
 ze sîme hûse giengen sît  
 die gotes trûten alle drî.  
 daz wart gereinet unde vrî
- 695 vor wandelbæren sachen,  
 wan si begunden swachen  
 die valschen gote sîn iesâ.  
 die brâchen si ze stücken dâ  
 noch liezen si niht ane beten.
- 700 si wurden in daz hor getreten  
 und ûz dem hûs gescheiden.  
 der priester disen beiden  
 daz beste willeclichen riet.  
 sîn rât sun unde vater schiet
- 705 von aller zwîvelunge,  
 wan sîn erweltiu zunge  
 lie si vil tugende merken.  
 ir muot begunde er sterken  
 an kristenlichem orden.
- 710 si wâren schiere worden  
 durch sîne wîsen ræte  
 an dem gelouben stæte.  
 Si lobten Krist ân allen mein.  
 ir muot an im durliuhtic schein
- 715 als ein kristalle bî der zît.  
 Pantaleônes vater sît  
 nam ein vil sælic ende.  
 ân alle missewende

---

687 dô = doch.    699 ane beten = anbetten.    708 be-  
 gunde er = begunde sich (began sich *H*).    713 ân = in.



- gelac der edel herre tôt.  
 720 den geist den sante er unde bôt  
 mit vröuden in den himeltrôn.  
 und dô sîn guot Pantaleôn  
 besaz und alle sîne habe,  
 dô lie der tugentriche knabe  
 725 zeslifen sîn gesinde.  
 von dem erwelten kinde  
 den knechten wart gelônet wol.  
 er schiet si von im liebes vol  
 und vröudenriches muotes.  
 730 daz ander teil des guotes  
 daz im über was beliben,  
 daz wart nâch sælden ouch vertriben,  
 wan er gap ez den armen  
 und lie sich gnuoge erbarmen  
 735 die dâ gevangen lâgen  
 durch daz si rehtes pflâgen  
 und Jêsum Krist an riefen.  
 er sante in zuo den tiefen  
 kerkæren sîne spîse.  
 740 Pantaleôn der wise  
 die siechen wol beruochte.  
 swer sîne helfe suochte,  
 der wart zehant von im ernert.  
 den blinden wart sîn trôst beschert  
 745 und den krumben und den lamem.  
 er heiltes alle in Kristes namen  
 die vür in kêrten ungesund.  
 gesuochet wart dô bî der stunt  
 kein ander meister wan eht er.  
 750 des truoc vil grimmes herzen ger  
 und einen vîentlichen sîn  
 vil manic arzât wider in.

---

719 edel (edele H).      722 dô = fehlt.      730 ander  
 = andern.      746 heiltes = heilete si.



- Die meister alle von der stift  
 die kâmen ûf des nides trifft  
 755 daz sin begunden hazzen.  
 sich huop in einer gazzen  
 ir samenunge an eime tage,  
 alsô daz si mit leides klage  
 zein ander kâmen von geschicht  
 760 und unberedet liezen niht  
 daz in sô grôzen schaden tete  
 Pantaleôn an manger stete  
 dâ si gewinnes solten pflegen.  
 in allen ûf der strâze wegen  
 765 der man begegnet alzehant  
 ûf den Pantaleôn gewant  
 het alsô helferîchen trôst  
 daz er mit sîme râte erlôst  
 von sîner blintheite wart.  
 770 nu daz die meister ûf der vart  
 den selben man gesâhen,  
 dô sprâchens unde jâhen:  
 'diz ist der man der ê was blint  
 und den Pantaleôn das kint  
 775 ernerte mit der helfe sin.  
 er hât nu glanzer ougen schîn  
 und was im ê sîn lieht benomen.'  
 sus hiezens in dar nâher komen  
 und vür sich gân des mâles hin.  
 780 si sprâchen alle wider in:  
 'vriunt, wirt uns hie verjehende,  
 wer mahte alsus gesehede  
 mit sîner hôhen stiure dich?'  
 'Pantaleôn generte mich',  
 785 sprach er dô sunder louten,  
 'wan er zwei lûter ougen  
 her wider gap mit helfe mir.'  
 'waz arzenie tete er dir',

767 helferîchen = helfenrichen.      768 Daz er = der.



- begunden si dô sprechen,  
 790 'dâ mit er dich gerechen  
 an der gesihte mahte alsô?'  
 des antwurte er in aber dô  
 gezogenlichen unde sprach:  
 'swaz râtes mir von im geschach,  
 795 dar zuo leit er deheinen list,  
 wan daz er bat den sîezen Krist  
 daz er mir helfe tæte schîn.  
 er ruorte in deme name sîn  
 mîn ougen beidiu mit der hant.  
 800 dâ von ich die genâde vant  
 daz ich von mîner blinden art  
 durch sîn gebot erlœset wart.'  
 Diz mære in allen misseviel.  
 ir nîdic muot in zorne wiel  
 805 ûf den vil reinen jungelinc,  
 der sô genisbærlichiu dinc  
 dem siechen lie dô werden schîn.  
 si sprâchen: 'zwâre, sol er sîn  
 iht lange in dirre guoten stat,  
 810 er tuot uns alle an êren mat,  
 wan er uns wirde roubet.  
 daz volc an in geloubet  
 und hât der gote kunst vür niht.  
 swer disen hœret unde siht  
 815 den er gesehende mahte,  
 dern hât ûf uns kein ahte  
 und ruochet unser kleine.  
 wir sulen algemeine  
 dem keiser von im künden  
 820 daz er mit valschen vünden

---

793 Gezogenlichen = gezogenliche.      807 Dem siechen  
 = din siech.      811 wurde = wirdet.      814 disen =  
 disen man.      816 Dern hât = der enhat (*L*, der hât *H*).  
 818 sulen algemeine = suln alle gemeine (sulen alle ge-  
 meine *H*).



- sô vremdez wunder üebet.  
 sus giengen si betriebet  
 dô vür Maximiânen.  
 üf den vil wolgetânen  
 825 ir nîdic muot in zorne bran.  
 dô si den keiser blikten an,  
 dô sprâchens alle wider in:  
 'die gote lident ungewin,  
 den briuwet in Pantaleôn.  
 830 er krenket vaste ir lobes dôn  
 und swechet in ir werdekeit.  
 wan swen du, herre, hâst geleit  
 in dîn gebende durch daz er  
 ze Kriste kêret sine ger,  
 835 den spiset er mit siner habe.  
 daz er die mit trôste labe  
 die dîn gebot versmæhent hie,  
 des vlîzet er sich, wand er nie  
 den goten wolte bî gestân.  
 840 er hât vil wunder hie getân  
 mit zouber daz er trîbet.  
 ist daz er hie belîbet  
 und niht von hinnen wirt gejaget,  
 daz vole an dîner ê verzaget  
 845 und wirt an Krist geloubhaft.  
 sîn rât mit valscher meisterschaft  
 unbilde kan verenden.  
 lâ, herre, den besenden  
 den er gesehende mahte,  
 850 durch daz du manger slahte  
 getiusche an im beginnest sehen,  
 wan ez von gougel muoz geschehen  
 daz er die siechen alle stunt  
 mit siner helfe tuot gesunt.'

827 sprâchens *L* = sprachen sie (sprâchen *H*). 829 Den  
 = die. 833 gebende = geben. 836 die mit  
 trôste labe (mit tr. die gelabe *L*). 843 von *L* = fehlt (*H*).  
 851 an im beginnest = beginnest an ime.



- 855 Dem keiser was diu rede leit.  
 er hiez in sîner grimmekeit  
 den man vür sich besenden  
 der von des knaben henden  
 sîn lieht viel schiere wider nam.
- 860 und alsô er ze hove kam  
 mit unverzagtes herzen ger,  
 dô sprach der keiser: 'bistu der  
 der von Pantaleône  
 gesehende wart vil schône
- 865 und ein sus klârez lieht gewan?'  
 'jâ, herre', sprach der guote man,  
 'ich bin der sunder lougen  
 dem er zwei lûter ougen  
 mit sîner helfe hât gegeben.
- 870 sîn rât mir lîp, herz unde leben  
 genædeclîche mahte vrô.'  
 'nu sage mir', sprach der keiser dô,  
 'wie mahte er dich gesunthaft?  
 hât er dich mit der gote kraft
- 875 alsus erliuchtet oder wie?'  
 'nein', sprach er, 'dîne gote nie  
 gehulfen im ze dirre getât  
 diu mich alsus erlœset hât  
 von der vil starken swære mîn.
- 880 wie solten mich die gote dîn  
 erliuchten mit ir stiure,  
 sît daz in allen tiure  
 lieht unde lûter ougen sint?  
 swaz selbe toup ist unde blint,
- 885 wie möhte mir daz iht gevromen?  
 mir hânt die meister ab genomen  
 mîn guot mit arzenie gar,  
 alsô daz ich ir helfe bar

865 Und = *fehlt*.      870 mir = min.      879 starken  
 = starker.      880 die = der.      882 daz = *fehlt*.  
 883 unde = von.



- gestuont an beiden ougen doch.  
 890 ich hete ein wênic liehtes noch:  
 daz nâmen si mir und den lôn.  
 dô nerte mich Pantaleôn,  
 als ez gebôt sîn herre Krist,  
 der gotes sun von himel ist  
 895 und wonders vil begangen hât.  
 er lât an im sîn hantgetât  
 rilîche stiure vinden.  
 die lamen und die blinden  
 mac heilen sîn vil starc gebot,  
 900 wan er ist ein almehtic got,  
 der wazzer, viur, luft, erden  
 und alliu dinc liez werden.  
 Der keiser zallen orten  
 wart sêre von den Worten  
 905 erzûrnet als ein tobic hunt.  
 mit grimme sprach er sâ zestunt:  
 'alrêst prûev ich die wârheit.  
 swaz mir nû lange wart geseit  
 von Pantaleône,  
 910 des bin ich kômen schône  
 zeim ende nu bî dirre vrist.  
 sîn gougel und sîn zouberlist  
 den goten vil geschadet hât.  
 der disen menschen leben lât  
 915 der von der helfe sîn gesiht,  
 und in zehant verderbet niht,  
 mîn vole daz wirt bekêret,  
 wan ez mit opfer êret  
 deheinen got von mîner ê.  
 920 man sol niht langer und niht mê  
 genesen lâzen disen man,  
 der ein urkûnde geben kan

895 in *hs.* nach 896. 897 Rilîche = rigeliche. 900 ein  
 = fehlt. 906 er = fehlt. 915 gesiht = geschicht.  
 916 in = fehlt. 920 Man = wan.



- daz er gesehende worden si.  
 nu machet in bar unde vri  
 925 des libes und des lebetagen.  
 seht, alsô wart im ab geslagen  
 daz houbet bi den stunden,  
 des wart sîn sêle vunden  
 schier in dem paradise.
- 930 Pantaleôn der wise  
 rîlichen solt ze lône gap,  
 daz er in sînes vater grap  
 verborgenliche wart geleit.  
 der im den lîp ze tôde sneit
- 935 und im dâ sluoc daz houbet abe,  
 der truoc in selbe hin ze grabe,  
 durch daz man gap im tiuren lôn.  
 dar nâch sô wart Pantaleôn  
 hin zuo dem keiser ouch besant.
- 940 er kam dô vür in alzehant  
 gegangen ûf den palas.  
 daz er vor im verleidet was,  
 dar ûf aht er vil kleine.  
 der gotes kempfe reine
- 945 die marter liden wolte  
 durch daz er tragen solte  
 der sigentûfte palmen.  
 er sprach zehant den salmen  
 ûf rîches lônnes zuoversiht:
- 950 'mîn lop verswic, got herre, niht;  
 du maht ez offen unde kunt,  
 wan die sündære hânt ir munt  
 durch haz entslozzen über mich.  
 mit nîdes worten vîentlich
- 955 hânt mich bevangen übel man,  
 die mich vergebene stritent an'.

923 gesehende = genesen. 936 hin = *fehlt*. 938 sô  
 = *fehlt* (H). 940 Er = dar. 942 vor = von. 943 aht  
 = ahtet. 955 übel = übele (H), *ebenso* 1034, 1914.



- Den salmen der getriuwe sprach.  
 der keiser in dô komen sach  
 mit willecliches herzen ger.
- 960 'du bist Pantaleôn', sprach er;  
 'dar umbe entsliuz die rede mir  
 ob daz sî wâr daz ich von dir  
 nu lange zît vernomen hân.'  
 dô sprach der knappe wol getân:
- 965 'waz hât man dir von mir gesaget?'  
 'mir hânt die meister hie geklaget',  
 sprach aber zim der heiden arc,  
 'daz du mit zouberie starc  
 den goten vil geschadet habest,
- 970 und daz du vuorest unde labest  
 vil mangel den ich heize queln.  
 ich høre sprechen unde zeln,  
 swer lige in mînen banden,  
 daz du mit dînen handen
- 975 den salbest unde heilest.  
 du vröwest unde ergeilest  
 die kristen algemeine,  
 die mînen goten reine  
 ze lobelichen dîngen
- 980 nicht opfers wellent bringen.'  
 Des antwurt im Pantaleôn.  
 er lie vil süezer stimme dôn  
 erklingen von dem munde sîn.  
 er sprach: 'die valschen gote dîn
- 985 die spulgent snœder meisterschaft.  
 den himmel kunde niht ir kraft  
 geschepfen noch die erden.  
 hie sol erzeiget werden  
 waz ûf si tugende sî gewant.'
- 990 'wie mac daz werden uns bekant?'  
 sprach aber dô Maximiliân.  
 'dâ solt du vür dich bringen lân

981 antwurte == antwurtet.

982 süezer == sÛsze.



- bald einen siechen man', sprach er.  
 'heiz einen betterisen her  
 995 vil schiere dinsen unde tragen  
 des lip von sinem siechtagen  
 niht gerüeren künne sich.  
 sô der gevüeret si vür dich  
 und du beschouwest sinen pîn,  
 1000 sô lâ zehant die priester dîn  
 al dîne gote schrien an  
 daz si dem lidesiechen man  
 hie wider geben sine genist.  
 dar zuo sô wirt mîn herre Krist  
 1005 von mir gevlêhet ouch zestunt  
 daz er in mache wol gesunt  
 und ime rehtiu lit beschere.  
 swer denne sinen lip genere  
 und in ervröuwe ân allen spot,  
 1010 den êre man vür einen got  
 der starc ist unde sigehaft.  
 ist daz im dîner gote kraft  
 gebieten mac gesuntheit,  
 sô werde ir lop wît unde breit  
 1015 gemachet ûf der erden.  
 mûg aber er niht werden  
 genert durch dîner gote list  
 und heilet in mîn herre Krist,  
 sô lâ dîn ê versmæhet sîn  
 1020 und tiebe den gelouben mîn,  
 der als ein rehter orden  
 bewæret denne ist worden.'  
 Maximiân der keiser,  
 âmehtic unde heiser  
 1025 an kristenlicher sælekeit,  
 liez im niht sîn die rede leit,

996 siechtagen = siechetagen (H). 998 dich = mich.  
 1004 zuo = fehlt. 1018 heilet = heile. 1025 kristen-  
 licher = cristenliche.



- wan im diu wort gevielen wol.  
 er sprach: 'jâ wil ich unde sol  
 hie volgen dîme râte.'
- 1030 sus hiez er vür in drâte  
 dô bringen einen menschen lam.  
 der wart getragen unde kam  
 ze hove in sînem bette swach.  
 dâ von der übel heiden sprach
- 1035 dem wîsen jungelinge zuo:  
 'den goten kunt dis êre tuo  
 daz wir von êrste ir kraft gesehen.  
 und sô daz denne sî geschehen  
 daz ir gewalt versuochet ist,
- 1040 sô lâz erkennen waz dîn Krist  
 mit helferîchen henden  
 hie wunder mûge verenden  
 an dem vil siechen manne.  
 swer in geheile danne,
- 1045 der sî geprîset iemer mê.'  
 Pantaleôn sprach: 'diz ergê  
 nâch dînes herzen muote gar.'  
 sus hiez dô sîne priester dar  
 der keiser îlen zeme lamen.
- 1050 er sprach daz si der gote namen  
 sêr unde lûte riefen an,  
 durch daz si dem viel siechen man  
 benæmen dâ sîn ungemach.  
 diz wart getân und diz geschach.
- 1055 si wurden alle bî der zît  
 gar inneclîchen an geschrit;  
 daz wênie half den betterisen.  
 der eine den, der ander disen  
 begunde tiure dô beswern
- 1060 daz si den siechen man gern

1030 vür in = bringen. 1034 Dâ = do (H). 1038 denne  
 sî = dîne ist. 1040 erkennen = erken. 1054 und diz  
 geschach = vñ sprach, *übergeschrieben* diz. 1056 geschrit  
 = gestrit.



- geruochten ûf dem palas.  
 her Galliën und Ypocras  
 vil manger hande bete liten.  
 ouch hôrte man genuoge biten  
 1065 Asclêpium der helfe sîn.  
 dô wart ein lût gebrehte schîn  
 von manger stimme schalle.  
 swaz si geriefen alle,  
 daz was ein üppeclich geschrei.  
 1070 den lamen half niht umbe ein ei  
 swaz bete umb in aldâ geschach.  
 und dô Maximiân ersach  
 daz von den goten bi der stunt  
 niht wart der sieche man gesunt,  
 1075 dô wart Pantaleôn zehant  
 von im geheizen und gemant  
 daz er dâ bâte Jêsum Krist  
 daz er geruochte sînen list  
 an dem vil siuchebæren  
 1080 erzeigen und bewæren.  
 Pantaleôn der guote lie  
 dô nider sich ûf sîniu knie  
 diemüeteclichen alzehant.  
 der stüeze Krist von im gemant  
 1085 wart inneclichen bi der stunt.  
 sîn kiuscher und sîn rôter munt  
 alsus begunde sprechen zim:  
 'got herre, mîn gebet vernim  
 unde erhœere miniu wort.  
 1090 ûf dine hâhen himel dort  
 lâ mine stimme komen ze dir.  
 dîn bilde kêre niht von mir

1061 Geruochten = gerûchen. 1065 helfe = bete (H).  
 1069 ein = *fehlt*. 1074 man = *fehlt*. 1078 geruochte  
 = gerûche. 1079 siuchebæren L = siecheb. (H).  
 1083 Diemüeteclichen = diemûteclich. 1087 Alsus begunde  
 = begvnde alsus. 1090 himel = himele (H), *ebenso* 1101.



- und neige mir daz ôre dîn,  
 swenn ich dir klage die swære min  
 1095 und mich grôz angest twinge.  
 dar umbe daz erklinge  
 lop unde pris dem dinen namen,  
 sô tuo gesunt hie disen lamēn  
 und lâ bewæren dîn gebot  
 1100 daz âne dich kein ander got  
 ze himel noch ûf erden ist.  
 erzeige an im, vil sūezer Krist,  
 die manievalte sterke dîn.  
 hie mite er bôt die hende sîn  
 1105 dem betterisen unde sprach:  
 'stânt ûf ân allez ungemach  
 in Kristes namen unde ganc  
 alsô daz dîniu lider kranc  
 von sîner helfe sîn gesunt.'  
 1110 ûf mahte sich dô bî der stunt  
 der sieche ân allen smerzen.  
 an liden unde an herzen  
 was er gerecht dâ worden;  
 dâ von der kristen orden  
 1115 vil sêre wart gemêret.  
 vil heiden wart bekêret,  
 die sich geswinde touften  
 und mit ir marter kouften  
 den êweclichen gotes lôn.  
 1120 sus hæte dâ Pantaleôn  
 gewonnen mänge sêle gote,  
 die der keiser mit gebote  
 lie von dem libe scheiden.  
 die touben argen heiden  
 1125 Pantaleône wurden gram.  
 nâch sîme schaden vreissam  
 wolt ir gemüete sich dô senen,  
 wan si begunden mit den zenen

1097 dem = *fehlt*.      1109 sîn = *si*.      1110 dô  
 = *fehlt*.      1128 begunden = *begunde*.



- ûf in grisgramen alzehant.  
 1130 der keiser wart von in gemant  
 ûf sînes libes ungewin.  
 die meister sprâchen wider in:  
 'lâstu den zouberære  
 belîben âne swære,  
 1135 sô muoz verdorben iemer sîn  
 daz opfer al der gote dîn,  
 wan er si wirde roubet.  
 daz vole an in geloubet  
 und lit an im ir zuoversiht.  
 1140 du selbe an in geloube niht,  
 wan er mit valschen sachen  
 daz wunder kunde machen  
 daz er die helfe an dirre stete  
 dem ungesunden manne tete.'  
 1145 Der keiser wânde ez wære wâr  
 des im die meister offenbâr  
 verjâhen von dem guoten.  
 dem jungen richgemuoten  
 Pantaleône sprach er zuo:  
 1150 'vriunt lieber, mînen willen tuo  
 durch dîne lobelichen tugent.  
 erlöese dîne klâren jugent  
 von angstbâren dingen.  
 geruoche ein opfer bringen  
 1155 den goten algeliche,  
 durch daz du werdest rîche  
 gemachet von den henden mîn.  
 gedenke wie des tôdes pin  
 vil manger hât erliten hie  
 1160 der ab den goten lobes gie

1129 in = *fehlt*.      1133 den = disen.      1136 al  
 = aller.      1137 wirde = wider.      1141 sachen =  
 schachen.      1143 die = *fehlt* (H).      1148 Dem jungen  
 = die mytegen.      1154 Geruoche ein opfer = gerüche  
 dîn o. (dîn o. ruoche H).



- noch in niht wolte dienen mër.  
dem keiser übel unde hêr  
Pantaleôn antwürte bôt.  
er sprach: 'swer hie gelegen tôt  
1165 von diner gote schulden ist,  
den machet dort mîn herre Krist  
mit sîner helfe lebende,  
wan er wirt im dâ gebende  
vröud unde wünneclich gemacht.'  
1170 der keiser dô mit zorne sprach:  
'swie unde nenne Kristes niht.  
lâz unde mît die zuoversiht  
die du ze sîner helfe treist.  
du merkest doch wol unde weist  
1175 waz durch in in vil kurzen tagen  
noet unde pînes hât getragen  
Anthimiân der alte,  
den du mit dime gewalte  
sîn ougen mahtest lûter.'  
1180 der gotes kempfe trûter,  
Pantaleôn, sprach aber dô:  
'mîn herre ist des gedinges vrô  
daz ich die marter liden sol.  
ich junger billich unde wol  
1185 durch Krist vil noete dulde,  
sit daz ân alle schulde  
Anthimiân der alte leit  
durch in vil strenger arbeit.'  
Nu daz der keiser daz vernam  
1190 von dem junkherren wunnesam  
daz er durch allez sîn gebot  
Krist Jêsum, den erwelten got,  
ûz sinem muote niht enliez,  
seht, dô gebôt er unde hiez  
1195 daz er gehenket würde enbor  
und man im hinden unde vor

1175 vil *L* = *fehlt* (*H*).      1177 Anthimiân = Anti-  
nian.      1185 Krist = *fehlt*.      1194 er = *fehlt*.



- mit viure tæte unmâzen wê.  
 sîn lîp reht als ein niuwer snê  
 wîz unde blanc geverwet
- 1200 wart jæmerliche engerwet  
 und ûf gehangen alsô blôz.  
 den schaden bitter unde grôz  
 vil harte lützel er entsaz.  
 mit liechte manic glasevaz
- 1205 sêr unde tobeliche enbrant  
 gehenket wart umb in zehant  
 sô daz die vlammen viurîn  
 ir hitze gâben unde ir schîn  
 an sîne wünneelichen hût.
- 1210 Pantaleôn truoc über lût  
 die marter mit gedultheit.  
 den pîn er senfteelichen leit,  
 wan er im harte kleine war.  
 dô man die lampen hæte gar
- 1215 enzündet unde enbrennet,  
 dô wart er vrô bekennet  
 und âne leides smerzen.  
 er sante ûz sîme herzen  
 ze gote mangen siufzen tief.
- 1220 'Krist herre', sprach er unde rief,  
 'als du mir hâst geholfen ê,  
 sus lâ mir komen aber mê  
 die helfe dîn ze trôste.  
 von dirre lampen rôste
- 1225 geruoche erlôesen mîne jugent.  
 durch dîne veterlichen tugent  
 mir hilf mit dîner stiure  
 von dirre liechte viure,  
 daz in den glesern ist enbrant
- 1230 und mir vil nâhe lît gewant.'  
 Nu daz er disiu wort gesprach,  
 Krist Jêsum er dô komen sach

1221 ê (ie *H*). 1222 mê (hie *H*, der die *hs.* fälsch-  
 lich nie *las*). 1228 liechte = lichten.



- in eines pfaffen bilde alsus  
als ob ez Ermolâus,  
1235 der reine priester, solte sîn.  
got, unser aller trehtîn,  
sprach wider in lieplîche dô:  
'vriunt guoter, wis von herzen vrô,  
wan ich in al der noete dîn  
1240 wil mit dir wesen unde sîn  
alsô daz ich erlœse dich  
von strenger swære grimmelich  
und ich dîn angest bûeze.'  
nâch disen worten sîeze  
1245 die lampen und diu glasevaz  
erlâschen alliu, wizzent daz;  
ir glenzen unde ir schîn verdarp.  
got selbe schuof daz unde erwarp  
mit sîner gôtlichen kunst  
1250 daz der vil heizen liechte brunst  
Pantaleône dô niht war.  
die knehte die bekomen dar  
durch sîne marter wâren  
und sîn dâ wolten vâren  
1255 mit strenger noete vreissam,  
die wurden bî der zîte lam  
gemachet an ir hende liden.  
seht, alsô kunde dô beviden  
got, unser herre, sînen kneht.  
1260 durch sîner hôhen tugende reht  
liez er im arges niht geschehen.  
und dô der keiser hæte ersehen  
daz im niht war der hitze nôt,  
weiz got dô hiez er und gebôt  
1265 daz man enbûnde sîniu lider  
und er gelâzen wûrde nider

1234 Als = also.      1239 al = aller.      1247 glenzen  
= glentz.      1248 selbe = selber (*H*).      1249 gôtlichen  
= gotlicher (gotelichen *H*).      1256 lam = sam.      1265 en-  
bûnde = enbinde (*H*).



- zer erden bi der stunde,  
 ûz einem valschen munde  
 sprach er mit zorne wider in:  
 1270 'sag an, wie bistu komen hin  
 der marter angestbære?  
 waz mohte vor der swære  
 dîn leben hie gevrîsten?  
 mit welher hande listen  
 1275 hâstu die knehte mîn erlemet  
 und daz wilde viur gezemet,  
 daz dir sîn hitze niht enwar  
 noch dir deheinen schaden bar?'  
 Pantaleôn antwûrte bôt  
 1280 der rede. er sprach: 'ze dirre nôt  
 half mich deheiner slahte list,  
 wan der getriuwe sûeze Krist  
 der hât mich aleine erlöst,  
 er ist der arzenie trôst  
 1285 der ich ze mîner swære pffige,  
 und hilfet mich daz ich gesige  
 an dîme zorne vreissam.  
 er mahte dîne knehte lam  
 an henden unde an armen.  
 1290 die heizen und die warmen  
 lampen er erleschet hât.  
 sîn helfe dringet unde gât  
 vûr aller künste lêre.  
 von disen worten sêre  
 1295 Maximiân beswæret wart.  
 durch sîne grimmelichen art  
 begunde er zornic schînen  
 und wolte vaster pînen  
 den jungelinc an sînen liden:  
 1300 ûz îsen einen zuber sniden  
 der ungetoufte keiser hiez,  
 ein wunder blies man zerliez

1271 angestbære = vñ angest bere. 1291 er = *fehlt*.



- mit viure drinne, als er gebôt.  
und dô daz bli wiel unde sôt,  
1305 dô wart Pantaleôn dar in  
durch marterlicher nôete pîn  
gesetzt nacket unde bar.  
sîn hût alsam ein snê gevar  
wart von dem heizen blie naz,  
1310 dar inne er âne vorhte saz  
und engestlicher nôete vri.  
daz wallend und daz heize bli  
dûht in stiez als ein honicmete.  
mit vlize sant er sîn gebete  
1315 ûf zuo den himelkœren.  
er sprach: 'geruoche erhœren,  
got herre, mine stimme.  
ûz aller vorhte grimme  
des leiden widersachen  
1320 soltu mich ledic machen  
unde entbint die sêle mîn  
von im durch al die gûete din.'  
Der reine marterære  
nu daz er âne swære  
1325 ze gote dise rede getete,  
dô dûhte in aber an der stete  
daz Ermolâus kâme dâ.  
Jêsus begegnet im iesâ  
vroeliche in sînem bilde.  
1330 des wart im trûren wilde,  
wan Krist, der guote, selbe trat  
ze dem junkherren in daz bat,  
daz von dem heizen blie sôt.  
sîn hant er im ze helfe bôt:  
1335 von der enpfienec er stiure.  
daz bli daz von dem viure  
wiel unde tobeliche bran,  
daz wart erleschet und gewan

1303 drinne = drin.    1304 wiel = wel.    1315 den  
= des.    1322 al = alle.



- Pantaleôn sin vri gemacht,  
 1340 daz im dô leides niht geschach  
 von siner hitze manievalt.  
 er wart erküelet unde kalt  
 alsam ein süezer meien tou.  
 dâ von den klâren niht gerou  
 1345 sîn dienst den er Kriste bar.  
 swer dirre zeichen wart gewar  
 diu got durch sînen willen tete,  
 den nam des wunder an der stete  
 daz er die marter überwant.  
 1350 der keiser aber dô zehant  
 von zorne tobic wart gesehen.  
 er sprach: 'wie mohte ez ie geschehen  
 daz er alsus genesen ist?  
 weiz iemen welher hande list  
 1355 in lôste von der noete?  
 wâ mit ich in ertœte,  
 daz râten al die mine,  
 und vinden im die pine  
 die von dem lîbe in scheiden.'  
 1360 seht, alsô bat der heiden  
 dô râtes sîne hovediet,  
 diu des junkherren schaden riet  
 und sînes lîbes ungemach.  
 ir rât der lêrte in unde sprach,  
 1365 er solte in sunder alle wer  
 versenken heizen in daz mer;  
 sô möhte er wol verderben  
 und müeste drinne sterben  
 vil schiere ân allen widerstrit.  
 1370 sus vuorte man in bi der zit  
 gebunden an des meres stat.  
 der keiser im dô henken bat

1352 mohte ez = mōht diz.      1356 in = fehlt.  
 1357 râten = râtent (H).      1364 Ir = sîn (H). der =  
 fehlt.      1372 im dô = in da.



- an sine kelen einen stein  
der michel unde grôz erschein.
- 1375 Mit dem sô wart er in den sê  
geworfen, daz im doch nicht wê  
ze herzen noch ze lîbe tete,  
wan im begegnet an der stete  
Krist Jêsus aber dô zehant.
- 1380 der het ein bilde und ein gewant  
als Ermolâus an im truoc.  
er was gelich dem priester gnuoc  
an antlitz unde an kleide.  
von sorgen und von leide
- 1385 lôst er zehant den jungeline.  
an im ein wunderlichez dinc  
von sîner helfe dô geschach.  
der stein im ab der kelen brach:  
von dem wart er enbunden.
- 1390 in vuorte bî den stunden  
got, unser herre, zeme stade,  
sô daz im keiner slahte schade  
von deme wilden sé geschach.  
dâ von lobt er in unde sprach
- 1395 mit vrôuden sunder smerzen:  
'in allem mînem herzen  
sol ich dir bihten, herre got.  
ich prise dîn vil starc gebot  
und wil in mîner jâre tagen
- 1400 dîn wunder künden unde sagen.'  
Der keiser zornic wart erkant.  
'Pantaleôn', sprach er zehant,  
'hât aber dir dîn zouberlist  
geholfen daz du komen bist
- 1405 gesunt ûz disem wâge?'  
der jungeline der vrâge  
bôt im antwûrte sunder wân.  
er sprach: 'daz mer daz hât getân

1381 Als = also. 1388 Der = den. 1399 jâre = iaren.



- daz im gebôt sîn herre nu'.
- 1410 'ja', sprach der heiden, 'so maht du  
des wâges ouch gewaltic sîn,  
sît daz er dem gebote dîn  
gar undertænic worden ist?'  
'nein', sprach er, 'der getriuwe Krist,  
1415 dem ich dâ diene sunder wer,  
der kan gebieten ouch dem mer  
und disem wâge wilde.  
sîn götlichez bilde  
mac aller dinge hân gewalt.'
- 1420 der keiser aber dô gestalt  
wart von der rede in tobeheit.  
sîn grimmez herze wart geleit  
in argen willen schiere.  
vil engestlicher tiere
- 1425 bereiten hiez er unde bat  
den herren bringen zuo der stat  
dâ si gesament wâren.  
si solten sîn dâ vâren  
und in der strengen noete gewern.
- 1430 lêbarte, löuwen, trachen, bern  
und manger hande wûrme  
lie man durch grimme stürme  
ze dem vil ûz erwelten,  
dar umbe daz si quelten
- 1435 vil marterliche sînen lip.  
des kâmen dar man unde wip  
gemeinlich unde wolten sehen  
daz jâmer daz an im geschehen  
dâ solte von den tieren arc.
- 1440 dô wart ein samenunge starc

1416 gebieten ouch = och gebieten (*Wolff Afda 13, 240*  
wollte den ganzen vers lesen kan ouch gebieten deme mer).  
1418 götlichez (götlichez *H*). 1429 strengen = strenger.  
1430 Lêbarte = lethbarte, ebenso 1460. 1432 Lie = die.  
1433 ze dem vil = zuo dem (*H*). ûz erwelten = verserwelten.  
1437 Gemeinlich = gemeinlichen.



- unde ein grôz gedrengē.  
 diu tier grimm unde strenge  
 dô wurden an den jungeline  
 gelâzen al in einen rine,  
 1445 der in dâ was bereitet.  
 doch wart von in geleitet  
 Pantaleôn dô wol gesunt,  
 wan in got lôste bi der stunt  
 von sorgen und von pine.  
 1450 der kam dar in dem schine  
 des priesters schiere gegangen,  
 von dem er het empfangen  
 den touf der kristenlichen ê.  
 reht als im was geholfen mê,  
 1455 sus wart er aber dô genert.  
 den grimmen tieren wart beschert  
 von gote ein alsô milter sin  
 daz si vür in dô giengen hin  
 gütliche ân allez dröuwen.  
 1460 lêbarten unde löuwen  
 niht stuonden im ze vâre.  
 man sach si mit gebâre  
 den jungeline dô grüezen.  
 an henden unde an vüezen  
 1465 begunden si dô lecken  
 den herren âne vleben  
 und aller missewende blöz.  
 sich huop ein vehten harte grôz  
 unde ein vîentlicher strît  
 1470 von al den tieren bi der zît.  
 Si kriegten welhez under in  
 von êrste solte kêren hin  
 ze dem junkherren ûz genomen.  
 kein tier von im dô wolte komen

1444 al = alle.      1447 wol = vol.      1451 schiere  
 = schin.      1470 al = allen.      1472 solte = da solte.  
 1474 von im dô wolte = wolte von im da.



- 1475 ê daz der reine gotes degen  
 gæb ime sînen sîezen segen  
 und ez von dannen hieze gân.  
 diz vremde wunder wart getân  
 durch den vil tugentbæren.
- 1480 daz liez sich dô beswæren  
 der keiser unde müejen.  
 Pantaleôn dô blüejen  
 begunde in hôher werdekeit,  
 durchliuhtic prîs wart im geseit
- 1485 mit lobelichem schalle.  
 die liute meistic alle  
 riefen sunder allen spot:  
 'grôz ist der kristenheite got,  
 der diz unbilde hât getân.
- 1490 man sol gesunt von hinnen lân  
 Pantaleônen, sînen kneht:  
 daz ist billich unde reht.  
 Der keiser als ein tobic hunt  
 begunde wüeten an der stunt
- 1495 durch daz geschrei daz dô geschach.  
 swaz liute dô rief unde sprach,  
 man solte lân den jungelinc,  
 den wurden marterlîchiu dine  
 durch sîn gebot erzeiget.
- 1500 gevellet und geveiget  
 vil schiere wurden tûsent man.  
 den hiez der keiser legen an  
 gar einen bitterlichen tôt.  
 seht, alsô wart ir bluotes rôt
- 1505 vergozzen dô vil manic trahen.  
 Maximiân der hiez erslahen  
 diu wilden tier durch sînen zorn,  
 diu den junkherren wol geborn

1479 tugentbæren = tugendeb. (H), ebenso 1972.  
 1484 wart = war. 1490 Man = wan. hinnen lân =  
 hinnan gan.



- niht wolten vrezzen bî der vrist.
- 1510 Pantaleôn der lobte Krist  
 der manivalten helfe sîn.  
 er sprach: 'vil süezer trehtîn,  
 prîs unde lop sî dir geseit  
 der gnâden und der sælekeit,
- 1515 daz du geruochtest, herre got,  
 daz manger hie durch dîn gebot  
 ein marterlichez ende lite.  
 du woltest niht gnuoc hân dâ mite  
 daz liute durch den willen dîn
- 1520 hie trüegen strenger nœte pîn,  
 du enliezest ouch diu tier durch dich  
 hie lîden marter engestlich.'  
 Pantaleôn die rede treip.  
 dâ von der keiser dô beleip
- 1525 vil zornic unde sprach alsô  
 mit einem argen muote dô  
 ze sînem ingesinde:  
 'waz tuon ich disem kinde,  
 daz hie mit zouber wundert
- 1530 und von den goten sundert  
 alt unde junc, man unde wîp?  
 hie wirt verkêret manic lîp,  
 ob ich im niht daz leben nime.'  
 der rede antwûrte gâben ime
- 1535 die besten alle von der stat.  
 sî sprâchen: 'herre, lâz ein rat  
 und eine schîben machen  
 von künstebæren sachen  
 und heiz in dar in binden;
- 1540 sô muoz er sînen linden  
 und sînen weichen lîp verzern.  
 wiltu des lebens in verhern

1514 gnâden = gnade. 1515 geruochtest = gerüchest.  
 1531 unde fehlt. 1533 niht daz leben = daz leben niht.  
 1542 lebens = lebnden (lebenes *H*).



- und gar zevtteren siniu lider,  
 sô werde ab einem berge nider  
 1545 gelâzen beide schîbe und er.  
 dâ von sîn verch hin unde her  
 beginnet sich engenzen.  
 jâ muoz sich dô verschrenzen  
 sîn vleisch und sîn gebeine.  
 1550 die stocke und ouch die steine  
 zervtuerent im hût unde vel,  
 wan swie diu schîbe sinewel  
 beginnet walzen hin ze tal,  
 sô wird zerteilet über al  
 1555 sîn lip in kleiniu stückelîn.  
 daz schulderîche leben sîn  
 muoz er zehant verliesen.  
 sol er sîn ende kiesen,  
 daz mac geschehen, herre, alsô.  
 1560 der rât Maximiâne dô  
 vil ûzer mâzen wol geviel,  
 wan sîn gemüete in zorne wiel  
 ûf den erwelten gotes kneht.  
 der keiser durch sîn unreht  
 1565 den jungelinc gehalten bat  
 biz im gesmidet würde ein rat  
 ûz isen unde ein schîbe,  
 dâ mit er sîme libe  
 dô mêren wolte leides klage.  
 1570 er wart beslozzen drîzic tage  
 in eime tiefen kerker,  
 durch daz sîn angest sterker  
 dâ würde und al sîn arbeit.  
 ouch was diu schîbe dô bereit  
 1575 dâ man zervtieren wolte mite  
 sîn verch rein unde wol gesite.

1545 schîbe = schiben.                      1546 verch = werk.  
 1551 im = ime och.                      1552 swie = swen.                      1560 Maxi-  
 miâne = maximianen.                      1567 ein schîbe = eine schiben.  
 1568 libe = liben.                      1576 verch = werch.



- Si wart erziuget schône  
 mit rîcher koste lône,  
 als ez gebôt Maximiân.
- 1580 Pantaleôn der muoste gân  
 des endes dâ diu schîbe was.  
 ze gote er sîn gebete las  
 und bat in der gnâden sîn.  
 er sprach: 'vil lieber trehtîn,
- 1585 du neige mir dîn ôre  
 von dîme himelkôre  
 und stiure mînen ungewin.  
 sît daz ich arm und dürftic bin,  
 sô werde mir dîn trost gesant.
- 1590 du lâ mir dîne zeswen hant  
 stiur unde helfe reichen.  
 beganc an mir ein zeichen  
 durch die götlichen güete dîn,  
 sô daz die widersachen mîn
- 1595 und die mich hazzent müezen sehen  
 daz mir diu gnâde sî geschehen  
 daz mich dîn helferîcher trôst  
 ûz mînen sorgen habe erlôst.'
- Nu der junkherre diz gebete
- 1600 gesprochen vlîzeelichen hete,  
 dô wart er bî den stunden  
 vil schiere dâ gebunden  
 mit starken riemen ûf daz rat.  
 sîn reiner lîp wîz unde glat
- 1605 genzlichen wart enblecket  
 und alsô blôz gestrecket  
 ûf die vertânen schîben,  
 die man begunde trîben  
 zehant ûf einen hôhen bere,
- 1610 durch daz man griuwelîchiu were

1588 daz = *fehlt* (H). 1596 diu = *fehlt*. 1598 mînen  
 = mine. 1601 wart = was (H). 1606 gestrecket  
 = geschreckt. 1610 griuwelîchiu = grûliche (grülichiu L).



- begienge an dem vil reinen.  
 an stocken unde an steinen  
 zerbrechen wolte man den helt,  
 den got ze kempfen hæte erwelt  
 1615 und im geruochte bî gestân.  
 diu schîbe diu wart an gelân  
 dar umbe daz si liebe nider  
 und im zervuorte sîniu lider  
 mit scharpfer und mit strenger nôt.  
 1620 man wolte im einen grimmen tôd  
 dô stiften unde briuwen.  
 dô lôste in ûz den riuwen  
 sîn herre, der vil stieze Krist,  
 der im beegent an der vrist  
 1625 und in generte sâ zehant.  
 die stricke brâchen und diu bant  
 dâ mit er was gebunden,  
 und wart er âne wunden  
 des lîbes und des herzen  
 1630 erlœset von dem smerzen  
 der marterlichen quâle.  
 diu schîbe zuo dem mâle  
 schuof dô vil ungewinnes,  
 wan si lief widersinnes  
 1635 an die verworhten heiden,  
 der si begunde scheiden  
 ein wunder von dem lebetagen.  
 vûnf hundert man ze tôde erslagen  
 dô wurden von ir loufe snel.  
 1640 Pantaleôn lid unde vel  
 ganz unde wol gesunt behielt.  
 dâ von der keiser zornes wîelt,  
 den im sîn arkheit worhte.  
 vil engestlicher vorhte  
 1645 die burger lîten von der stat,  
 dô man daz griuweliche rat

1616 diu = *fehlt*.    1620 wolte = *fehlt*.    1626 stricke  
 = stöke.    1639 wurden = wurde.



- die grimmen slahte briuwen sach  
 diu gnuogen dâ von im geschach.  
 Nu diz unbilde waz geschehen  
 1650 und dô der keiser hete ersehen  
 daz in dâ half niht an der stete  
 daz er Pantaleône tete,  
 dô sprach der heiden wider in:  
 'sag an, wer hât der künste sin  
 1655 und disen list gelêret dich  
 daz dir kein marter engestlich  
 enwirret noch kein argez dinc?'  
 'mich lêrte', sprach der jungeline,  
 'der priester Ermolâus.  
 1660 er hât mich underwîset sus  
 und ist der meister mîn gewesen.  
 swaz ich ze herzen hân gelesen  
 witz unde guoter künste,  
 daz ist von sîner günste  
 1665 mir widervaren und geschehen.'  
 'nun sprich, möht ich in hie gesehen?'  
 sprach aber dô Maximiân.  
 'ich wolte ouch sîne lêre hân  
 und sîner meisterscheffe gunst,  
 1670 durch daz ich eteliche kunst  
 von im gelernen möhte  
 diu mîner sêle töhte  
 und mir zen êren wære  
 nütz unde helfebære.'  
 1675 Die rede treip durch âkust  
 der keiser, wande in sîner brust  
 versigelt lac valsch unde mein.  
 den priester, der geliutert schein  
 vor wandelbæren sinnen,  
 1680 wolt er alsus gewinnen

---

1654 der künste sin = die künste din (*H*). 1660 hât  
 = *fehlt*. 1665 widervaren = widervarn (*Schr. möchte lesen*  
 widervarn und wol geschehen).



- und vür sich bringen alzehant.  
den valsch den hæte an im erkant  
Pantaleôn vil schiere dô.  
dô sprach er wider in alsô:  
1685 'gebiutest duz, ich bringe dir  
mit willecliches herzen gir  
den meister und den herren mîn,  
der mit der hôhen lêre sîn  
dir mac gehelfen und gevromen.'  
1690 'jâ', sprach der keiser, 'heiz in komen  
und lâz in werden hie besant.'  
sus gienc Pantaleôn zehant  
enwec schier unde snelle  
und îlte zuo der zelle  
1695 dâ der priester inne was  
und alle zît sanc unde las  
ze prîse dem erwelten gote.  
doch gie Maximiânes bote  
mit Pantaleône dar,  
1700 durch daz er sîn dâ næme war  
und er in hæte in sîner pflîht,  
daz er entrinnen möhte niht.  
Nu daz er in die zelle kam  
vür sînen meister lôbesam,  
1705 dô wart er sîner künfte vrô.  
'diu zît ist komen', sprach er dô,  
'daz man mich kröenen sol mit dir.  
ein stimme kam hînaht ze mir,  
diu seite, ich solte striten  
1710 den kampf in kurzen zîten  
den Pantaleôn ouch strite.  
hie weiz ich unde erkenne mite  
daz ich die marter liden sol.'  
sus giengen si dô vröuden vol  
1715 hin zuo dem keiser alzehant.  
und dô er hete alrêrst bekant

1689 gehelfen = helfen.      1693 schier = sicher.  
1700 dâ = fehlt (H).      1701 hæte = hete (H).



- daz vür in kam der priester hin,  
 dô sprach der keiser wider in:  
 'vriunt, sage mir ze diute,  
 1720 wie nennent dich die liute?'  
 Des gap er im antwürte alsus.  
 'herr, ich heiz Ermolâus',  
 sprach er gezogenliche dô.  
 'von êrste ich wart genant alsô  
 1725 von mînen vriunden lobesam.  
 noch zieret mich ein bezzer nam  
 mit sîner tugende listen:  
 ich bin genant ein kristen  
 und wil ouch iemer einer sîn.'  
 1730 'nu tuo mir hie mit worten schîn',  
 sprach aber dô Maximiân,  
 'siht man dich iender bî dir hân  
 iht bruoder und gesellen,  
 die gerne erfüllen wellen  
 1735 al dîne lêre und dîniu wort?'  
 'jâ', sprach er, 'ich hân zwêne dort  
 die mîne bruoder sint in gote.  
 si lebent wol nâch mîme gebote  
 und habent mir gevolget ie.'  
 1740 der keiser sprach: 'wie heizent die?  
 daz lâ mich wizzen unde enstân.'  
 der kiusche reine kapellân  
 bôt ime balde antwürte des.  
 'Hermippus und Hermocrates  
 1745 si zwêne sint genant', sprach er.  
 'nu lâ si beide komen her',  
 sprach dô der keiser wider in.  
 sus wart nâch in gesendet hin,  
 dô man si bî der zîte vant.  
 1750 ze hove kâmen si zehant  
 mit einander dô gezoget,  
 dô sie der heidenische voget

1724 ich wart genant = wart ich genennet. 1732 siht  
 man dich iender *L* = siht man dich ien (sihet man dich *H*).



- mit worten und mit rede enpfie.  
 er sprach: 'ir herren, ir sît die  
 1755 der rât Pantaleônen  
 den werden und den vrônen  
 goten hât alsô genomen  
 daz er ist von ir opfer komen  
 und er niht heizen wil ir kneht'.  
 1760 'herr, ez ist billich unde reht',  
 sprâchen si dô beide,  
 'daz er sich von in scheide  
 und daz er Kriste diensthaft  
 sî mit aller sîner kraft'.  
 1765 'Ir herren, redent niht alsô',  
 sprach der gebieter aber dô  
 schön unde minneclichen zin.  
 'sît rîlich kunst und edel sin  
 iuch zierent beide und êrent,  
 1770 sô râtent unde lêrent  
 daz iuwer vriunt Pantaleôn  
 den goten heilic unde vrôn  
 mit sîme dienste bî gestê.  
 swie daz geschiht daz unser ê  
 1775 der jungeline wil halten,  
 ich lâze iuch beide walten  
 rîliches guotes âne zal.  
 ir mûezent sîn ûf mîme sal  
 lîp unde wert spât unde vruo.  
 1780 dâ von sô vlîzent iuch dar zuo  
 daz er durch iuwer lêre  
 zen goten wider kêre  
 und gebe in sînen prîsant.'  
 'nein herre', sprâchen si zehant,  
 1785 Hermippus und Hermocrates,  
 'wîrn sulen in niht heizen des

1764 Sî = Ist, aber I steht vor ausgestrichenem S.  
 1765 niht = nihter.                      1766 gebieter (gebietære H).  
 1783 gebe in = geben.                1786 wîrn sulen = wir ensullen  
 (wir sulen H).



- daz sîme heile unrehte kome.  
 der rât wær im ze nihte vrome  
 daz wir in hiezen bringen  
 1790 als tûppeclichen dingen  
 sîn opfer und die gâbe sîn.  
 got, unser aller trehtîn,  
 der himel schuof und erden,  
 der sol gepriset werden  
 1795 von im in allen enden.  
 mit herzen und mit henden  
 sol er sîn opfer bringen deme,  
 als ez dem namen sîn gezeme.  
 Hie mite was diu rede hin.  
 1800 die vier gesellen under in  
 von gotes geiste wielen.  
 an ir gebete si vielen,  
 des si mit vlîze pflâgen.  
 diu stat an der si lâgen,  
 1805 erbibent unde erwagete,  
 daz übel dô behagete  
 dem keiser an der stunde.  
 mit eime valschen munde  
 begunde er sprechen aber dar:  
 1810 'die gote sint erzürnet gar.  
 dô von diz wunder hie geschiht  
 daz man daz ertriche siht  
 erschüten sich durch die getât  
 daz man ir muot betrüebet hât  
 1815 mit sünden und mit meine.'  
 Pantaleôn der reine  
 gap im der rede antwürte dô.  
 wîslîche sprach er zim alsô:  
 'Maximiân, du sagest wâr.  
 1820 die gote die sint offenbâr  
 erzürnet und betrüebet,  
 wan ez ist an in güebet

---

1797 deme = dar. 1798 ez = er. 1819 sagest = seist.



- diu lasterliche smâcheit  
 daz si gevallen und geleit  
 1825 sint zuo dem ertriche nider.  
 ir touben unde ir lamen lider,  
 an aller sælekeite blint,  
 zerstücket und zerbrochen sint  
 und ligent ûf der erde  
 1830 in schamelichem werde.  
 Der keiser dô niht wolte  
 gelouben daz er solte  
 gesmæhet an den goten sîn.  
 er sprach: 'geswic der kleffe dîn,  
 1835 vil sinnelôser jungelinc,  
 du redest tûppeclîchiu dinc.  
 du gouch, war umbe tuostu daz?'  
 nu daz er in der rede saz  
 mit dem junkherren wol getân,  
 1840 dô kam zehant vûr in gegân  
 ein bote, der seit im iesâ  
 daz sîne gote wæren dâ  
 zervallen und zervlecket.  
 des wart sîn muot erschrecket  
 1845 mit zorne bî der stunde.  
 von grimmes herzen grunde  
 sprach der vil arge heiden:  
 'ich sol benamen scheiden  
 die zoubereære ûz dirre stat  
 1850 die mîne gote an êren mat  
 und an ir wirde tuont alsô.'  
 mit disen worten hiez er dô  
 den kerker ûf entsliezen  
 und darîn balde schiezen  
 1855 den helt Pantaleônen,  
 der nâch der himelkrônen  
 vaht verwegenliche alsus.  
 der priester Hermolâus

1823 smâcheit (*L*, smâheit *H*).  
 = himele kronen (*H*).

1856 himelkrônen



- und die zwêne bruoder sîn  
 1860 die muosten angestbæren pîn  
 dâ lîden vil gemeine.  
 ir vleisch und ir gebeine  
 Maximiân hiez villen.  
 in wart durch gotes willen  
 1865 vil manic marter an geleit.  
 ze jungest sluoc man unde sneit  
 in allen drîn ir houbet abe.  
 heinliche wurden si ze grabe  
 gevüeret vor den kristen.  
 1870 die stâlen si mit listen  
 und hiezen si bestaten sider.  
 Pantaleôn wart aber wider  
 gevüeret vür den keiser hin.  
 der sprach mit zorne wider in:  
 1875 'Vil tumber, unde wænest du  
 daz du von mîner hende nu  
 gar âne swære entrinnest?  
 nein zwâre, du gewinnest  
 vil marterlicher ungeschicht,  
 1880 ob du den goten bringest niht  
 daz opfer und den prisant dîn.  
 dâ vor soltu gewarnet sîn,  
 und überhebe dich der nôt.  
 vermit den angestbæren tôt  
 1885 und kêre zuo dem lebetagen.  
 wiltu iht sælden hie bejagen,  
 sô tuo dich dîns gelouben abe.  
 gehüge wie sich bekêret habe  
 dîn meister Hermolâus.  
 1890 gedenke daz Hermippus  
 und sîn geselle Ermokrates  
 sich wellent vlizent alles des

---

1866 jungest = jüngest (H).      1869 vor = von (H).  
 1879 marterlicher = marterliche.      1885 dem = den (H).  
 1886 iht = niht.



- daz mînen goten êre sî.  
 joch volgent si mir alle dri  
 1895 mit willeclicher andâht.  
 ich hân si von ir muote brâht  
 in mîns gelouben orden.  
 vil undertænic worden  
 sint mir die selben liute.  
 1900 si tuont swaz ich gebiute  
 mit herzen und mit munde.  
 dâ von si zaller stunde  
 enpfâhent hôher wirde lôn.  
 dâ sich du an, Pantaleôn,  
 1905 und volge den gesellen dîn.  
 belîp hie mit in allen drîn  
 liep unde wert in mînem sal  
 und biut den goten über al  
 pris unde lop, daz ist mîn rât,  
 1910 wan ez dir an dîn leben gât,  
 ob du dich niht bekêrest  
 und si mit opfer êrest.  
 Mit disen worten unde alsô  
 der übel keiser wolte dô  
 1915 den jungelinc betriegen,  
 wan er begunde im liegen  
 von den drîn marteræren.  
 er seite im daz si wæren  
 vil gar in sînen willen komen:  
 1920 dô was daz leben in benomen,  
 als ich dâ vor bescheiden hân.  
 der lûge sich begunde entstân  
 Pantaleôn der guote.  
 ez was im in dem muote  
 1925 von gotes geiste worden schîn  
 wie den gesellen allen drîn  
 von strenger marter wê geschach.  
 dâ von er zuo dem heiden sprach:

---

1894 Joch (jâ *H*). 1907 mînem (mîme *H*). 1922 sich  
 begunde = begunde sich (*H*).



- 'sît du mir hâst verjehen des,  
 1930 Hermippus und Hermokrates  
 und Hermolâus leben noch,  
 sô lâ mich si geschouwen doch  
 vor dîner ougen angesiht.'  
 'nein', sprach er, 'du maht ir niht  
 1935 vor mir gesehen nu zehant.  
 ich hân ze boten si gesant  
 ze vremen steten anderswar.  
 dâ nement si des dinges war  
 daz in von mir bevolhen ist.'  
 1940 sâ zehant und an der vrist  
 der jungelinc antwurte.  
 den valsch er balde spurte  
 des im der keiser dô verjach.  
 dar umbe er wider in dô sprach:  
 1945 'Bœser hunt, ez ist dîn site  
 daz valscher munt dir volget mite  
 und daz du dicke triigest.  
 swaz aber du geliigest,  
 doch hâst du mir nu wâr geseit.  
 1950 ez ist ein ganziu wârheit  
 daz du ze boten hâst gesant  
 den meister mîn in vremdiu lant  
 und sîne gesellen beide.  
 in spilnder ougenweide  
 1955 siht man die werden alle dri.  
 diu stat ist missewende vrî  
 dar in si von dir sint gevarn.  
 ze himel in der engel scharn  
 sint si gekrœnet schône  
 1960 und ist ouch mir ein krône  
 rilichen unde wol bereit.  
 diu sol mir werden ûf geleit,

---

1934 maht (enmaht *L*).      1957 gevarn = geuar.  
 1958 scharn = schar.      1961 Rilichen *L* = rilich (*H*).



- sô daz ich si beginne tragen  
schier unde in kurzeclichen tagen.'
- 1965 Maximiân, als der vernam  
an dem junkherren wunnesam  
daz er sich weder sus noch sô  
von Jêsu Kristô wolte dô  
mit sîme muote scheiden,
- 1970 do enbot der übel heiden  
den sinen duræhtæren  
daz si den tugentbæren  
ze velde balde vuorten hin  
und im daz houbet under in
- 1975 mit eime swerte slüegen abe  
und ûf des grüenen plânes habe  
den lip ze pulver branten.  
die knehte die volanten  
daz in gebôt Maximiân.
- 1980 er wart ze velde ûf einen plân  
gevüeret under einen boum,  
der einen wünneclichen soum  
von loube in sîner zîte bar.  
der duræhter giene einer dar
- 1985 mit eime scharpfen swerte blôz.  
dem marterer kiusch unde grôz  
wolt er daz houbet abe slahen  
und sînes bluotes mangan trahen  
unschuldêliche rêren.
- 1990 do enwolte sîn niht sêren  
daz edel und daz tiure sahs.  
lind unde weich reht als ein wahs  
wart daz vil guote harte swert.  
den gotes kempfen lobes wert
- 1995 moht ez dô niht verwunden.  
und dô die knehte enpfunden

1964 unde *L* = *fehlt* (*H.*) 1970 Do enbôt = do gebot (*H.*)  
übel von *H* gestrichen. 1984 ändert *H*: ein duræhtære  
gienc aldar. 1986 Dem = den. *H* ändert; dem kiuschen  
marterære grôz. 1989 unschuldêliche (unschuldecliche *Schr.*).



- die sînes tôdes wolten gern,  
 daz in daz swert dô niht gewern  
 verlüste mohte bi der zit,  
 2000 dô vielens ûf dem plâne wît  
 ze vuoze dem getriuwen.  
 mit herzenlichen riuwen  
 den reinen bâstens under in  
 daz er durch sîner tugende sîn  
 2005 den süezen Krist dô bæte  
 daz er in gnâde tæte  
 mit veterlicher hulde  
 und in vergæbe ir schulde.  
 Pantaleôn der guote  
 2010 mit lûterbærem muote  
 die knehte dô gewerte  
 des âne wandel gerte  
 ir wille bi der stunde.  
 mit herzen und mit munde  
 2015 rief er ze himel unde sprach:  
 'got, aller sælden obedach,  
 und aller tugend überhort,  
 geruoche erhoeren miniu wort  
 und êre mich des ich hie ger.  
 2020 dis armen liute du gewer  
 der gnâden und der hulden dîn.  
 ir schult lâz in vergeben sîn  
 und swaz ir lip begangen hât.  
 verkus ir grôzen missetât  
 2025 und hilf in dort ûz aller nôt.  
 swer ûf der erde minen tôt  
 und mîne marter êre,  
 dem hilf daz er bekêre  
 von sünden und von meine sich.  
 2030 vil stüezer Krist, erbarme dich

---

2004 Daz = do.      2016 obedach = oberdach (H).  
 2017 tugend überhort = tugende ein überhort (H).    2024 Ver-  
 kius = fürkuz.



- über alle die mich ruofen an.  
 swer mîner swære mich erman  
 und mîner grôzen pîne,  
 got herre, dem erschine  
 2035 genædic unde milte.  
 sit daz dich nie bevilte  
 güete und erbarmherzekeit,  
 sô stille im hie die arbeit  
 an lîbe und an der sêle dort  
 2040 und gip im stæter vröuden hort.  
 Nu daz er diz gebete getete,  
 dô wart erhœret an der stete  
 ein stimme diu von himel sprach:  
 'Pantaleôn, dîn ungemach  
 2045 ein ende wil enpfâhen.  
 dîn sêle diu sol gâhen  
 ûf zuo den himelkœren.  
 got der wil dich erhœren  
 der dinge die du hâst begert,  
 2050 wan du wirst alles des gewert  
 des in dîn munt gebeten hât.  
 dîn trôn vil wol gezieret stât;  
 der engel schar dîn beitet,  
 ein krône ist dir bereitet,  
 2055 diu dich ân ende zieren muoz.  
 du solt den kumberhaften buoz  
 swær unde sorge machen.  
 die siechen und die swachen  
 dîn arzenie wol ernert.  
 2060 swer ûf dem wâge in nœten vert,  
 dem hilfestu ze lande wol.  
 dîn trôst ûz banden lœsen sol

---

2031 alle *streicht H.*    2035 *ändert H:* genædeclîchiu  
 milte.    2037 Güete und erbarmherzekeit = gûte erbarme-  
 herzekeit (güet unde erbarmeh. *H.*)    2041 gebete = gebet  
 (*L.*)    2043 himel = himele (*H.*), *ebenso* 2091.    2046 Dîn  
 sêle diu = diu sêle dîn (*L.*)    2047 den himelkœren *Sch*  
 = der himele k. (*H.*)    2048 der = *fehlt (H.)*



- den armen der gefangen ist.  
 vertriben mac dîn hôher list  
 2065 vil manger hande sûhte pîn.  
 du solt ein duræhtære sîn  
 der tiuvel zallen stunden:  
 swer mit in ist gebunden,  
 den læset dîn erbarmekeit.  
 2070 dîn trôst ist allen den bereit,  
 ez sîn vrouwen oder man,  
 die dich in noeten ruofent an.  
 Diu gotes stimme reine,  
 dô si die rede gemeine  
 2075 vil gar nâch sînes herzen kûr  
 bescheidenliche brâhte vûr,  
 dô sprach Pantaleôn ze jenen  
 der hant in schaden solte wenen:  
 'ir herren die vor mir hie stânt,  
 2080 swaz iu geboten sî, daz lânt  
 ervûllet an mir werden.'  
 sus viel er zuo der erden  
 diemûeteclîche in kriuzestal.  
 und als er dô getet den val,  
 2085 dô gienc ir einer dâ zehant  
 die mit im wâren ûz gesant,  
 und sluoc im ab daz houbet,  
 als ez im wart erloubet  
 dô von dem marterære.  
 2090 der reine tugentbære  
 ze himel sante sînen geist.  
 durch hôher wunne volleist  
 kam er vûr gotes ougen.  
 dâ wart er sunder lougen  
 2095 empfangen von der engel schar,  
 sîn verch alsam ein snê gevar

2067 zallen stunden = ze alle stunde.      2071 sîn = si.  
 2074 die = *fehlt*.      2080 iu = uch.      2084 als = also  
 (also *H*), *ebenso* 2088.      2090 tugentbære = tugendeb. (*H*).



- und als ein blankiu lilje wart.  
 dô vlôz nâch heileclicher art  
 von sîme kiuschen lîbe guot  
 2100 gar wîziu milch vûr rôtez bluot.  
 Sich huop dô vremdez wunder.  
 der boum dâ man im under  
 het ab sîn houbet dô geslagen,  
 begunde bringen unde tragen  
 2105 des selben mâles niuwe vruht.  
 an im wuohs obez mit genuht  
 bî der wîle und bî der stunt  
 dô sîn vil reiner lîp verwunt  
 mit einem scharpfen swerte wart.  
 2110 diz grôze unbilde niht verspart  
 vor den burgæren mohte sîn:  
 ez wart in offenlîche schîn,  
 wande ir kam vil manic schar  
 gedrunge und geloufen dar,  
 2115 daz si daz wunder sæhen  
 und heilekeite jæhen  
 dem edelen marterære.  
 der keiser von dem mære  
 wart vil trûric unde unvrô.  
 2120 den selben boum den hiez er dô  
 zerschîten und zerschrôten  
 und bat dâ mit des tôten  
 junkherren lîp verbrennen.  
 die knehte got erkennen  
 2125 begunden schiere und alzehant  
 die mit im wâren ûz gesant  
 durch daz si mêrten sînen schaden.  
 si liezen netzen unde baden  
 sich in des toufes brunnen.  
 2130 ir sêle wart gewonnen  
 got âne missewende.  
 seht, alsô nam ein ende

2098 Dô = daz.

2121 Zerschîten = zerschitten.




- Pantaleôn der reine,  
 den al diu werlt gemeine  
 2135 solt êren unde prisen,  
 er kan die liute wîsen  
 von kumberlichen sachen  
 und mac die nôt gewachen  
 des wîbes und des mannes.  
 2140 von Arguel Johannes,  
 der Winharten tohter kint,  
 geschuof daz sîniu wunder sint  
 alsus getihtet schône.  
 mit sîner miete lône  
 2145 brâht er si von latîne  
 ze tiuscher worte schîne,  
 dar umbe daz die liute  
 vernæmen dran ze diute  
 daz er kan trûren stœren.  
 2150 die diz getihtet hœren,  
 und swer die marter sîn verneme,  
 die wûnschen heiles alle deme  
 der diz were gefrumet hât.  
 und wizzent daz helf unde rât  
 2155 der reine marterære tuot  
 in allen die getriuwen muot  
 ze herzen tragent wider in:  
 er stœret leides ungewin.

---


2144 sîner = sine. 2146 tiuscher = tûschen. 2153 ge-  
 vrumet = geschriben vñ gefrûmet.

---











~~80. Sep. 1980~~

*Prof. Steinhoff*

*09*

GHP 11CBXK1554-1/3

<14+>14518T2T2E455

<11+>25543513S3





GHP : 11 CBXK1554-1/3



P  
11

Corradus  
de Monte  
Sibethus  
Mensis  
Danteleoni

CBXK  
1554  
-1/3